

ქართული
შეგონება

ქართული შეგონება



№ 1



მთავარი რედაქტორი — დეკანოზი



1911



ს ა რ ჩ ე კ ი .

I—ღვთისმშობელი შვილით,—სურ. რაფაელის	1
II—იშვა ქრისტე, ლექსი გრიშაშვილის	3
III—ბერიძე გაუტყხელი, — საშობაო მოთხრობა, — ვაჟა-ფშაველასი	4
IV—მგზავრი, საშობაო მოთხრობა,—დ. ვედრებისკელის .	10
V—ეგვიპტეში გაქცევა,—სელმა ლაგერლედისა, — (თარგ.) განდეკილის.	18
VI—ორი მხატვარი,—(დასასრული) თარგმ. დ. ავ. ლიანისა.	23
VII—ნინო ივანეს ასული ქიქოძე,—ნინო ნაკაშიძის	45
VIII—მ. ვ. ლომონოსოვი,—ნ. კაკაღიშვილის	48
IX—უმავთულო ტელეგრაფი, — (დასასრული) თარგმანი—დ. ჯანსუღისა.	52
X—ტროადის ომი,—ად. შიქსბერიძის	57
XI—გასართობი: აკროსტიხი, გამოცანა და რებუსი	23



ნაპაღ უღი

საქართველოს
საზოგადოებრივი
საბჭო

საქართველოს საზოგადოებრივი საბჭო

წელიწადი მისი

1911 წლის იანვარი




ღვთისმშობელი შვილით, — სურ. რაფაელისა

ს ა რ ხ ე კ ი.




I — ღვთისმშობელი შვილით, — სურ. რაფაელის	1
II — იშვა ქრისტე, — ლექსი გრიშაშვილის	3
III — ბერიძე ვაუტეხელი, — საშობაო მოთხრობა, — ვაჟა-ფშაველასი	4
IV — მგზავრი, საშობაო მოთხრობა, — დ. ვედრებისკელის	10
V — ეგვიპტეში გაქცევა, — სელმა ლაგერლენისა, — (თარგ.) განდკვილის.	18
VI — ორი მხატვარი, — (დასასრული) თარგმ. დ. ავალიანის.	23
VII — ნინო ივანეს ასული ქიქოძე, — ნინო ნაკაშიძის	45
VIII — მ. ვ. ლომონოსოვი, — ნ. კიკაღიშვილის.	48
IX — უმავეთულო ტელეგრაფი, — (დასასრული) თარგმანი — დ. ჯანაშვილის.	52
X — ტროადის ომი, — ად. შიქბერძის	57
XI — გასაღობი სკოლისტიხი, გამოცანა და რებუსი	23





ქართული
საბავშვო

იუზა ქრისტე...




მე

ახაურდა ტბის ლერწამი,
ტბის ლერწამი ახაურდა;
გასხლტა ნამი, ბროლის ნამი,
და ფოთლებზე გადაცურდა.

ახაურდა... აღიღინდა
შორს, შორს სადღაც მწყემსის სტვირი
და ყვავილებს დააფრინდა
მონაგარდე მთის ზეფიერი.

ჩემო კარგო! მომე ხელი,
გვეყო ცრემლი, ცრემლი მწარე;
იუზა ქრისტე— ქვეყნის წესნელი,
გაიხარე... გაიხარე!..

ი. გრიშაშვილი.





გერიამ გაუბნელი.

(საშობაო მთხრობა ფშაველებს ცხოვრების).



ობის წინა დღე იყო, ქარიანი და სუსხიანი მთაში, ხოლო ბარში რა ამინდი, როგორი ტაროსი იდგა, იმისი რა მოგახსენოთ. ქარი თოვლს, როგორც ბელტს, ისე ჰგლეჯდა, აჰკონდა და ჰაერში ხევივით ანიავებდა; ძნელი გამოსაცნობი იყო, სთოვდა, თუ ქარბუქისაგან ატანილი, ატაცებული თოვლი ცვიოდა დედამიწაზე. მთის ბუნება ბობოქრობდა, ისმობდა ქარის სისინი, წივილ-ზუილი და ხანდახან ბუბუნნი. მთის ბუნებას ვამბობ, თუმცა ბუნება აქ არსად აღარა სჩანდა.



თოვლ-ბუქში, კორიანტელში ამ ბუნების აბეზარობას და მხოლოდ ერთი ადამიანი, მოხუცი, საზოც წელს გადაცილებული მგზავრს მიეღწია უღელ-ტეხილამდინ, მთის ყელამდინ, ის იყო უნდა სამშვიდობოს გადასულიყო, რომ ქარი, რაც ძალი და ღონე ჰქონდა, აწვებოდა მოხუცებულს და დაბლა ახეთქებდა; მოხუცი მაინც-და-მაინც წინ მიიწევდა, ფიქრმა — უკან დაბრუნდიო, ერთხელაც არ გაუელვა თავში; არც იყო ჩვეული უკან დახევას, რისთვისაც ხალხი „გაუტყეულს“ ეძახდა. მგზავრის ნაცნობებისათვის რომ გეკითხათ, მრავალს მაგალითს და შემთხვევას გეტყოდნენ მოხუცის შეუღრკელობისას, გაუტყეულობისას მტერთან თუ მხეცებთან ბრძოლის დროს. მგზავრმა ეს კარგად იცოდა და იმიტომ უფრო მაგრდებოდა, თითქოს სცხვენოდა სხვაფრივ მოქცევისა. ლაჩრულის ყოფა-ქცევით შეურაცხ-ყოფა არ უნდოდა მიეყენებინა იმ აზრისათვის, რაც ხალხსა ჰქონდა მგზავრის შესახებ.

„ეჰ, დაბეჩავებულხარ, ჩემო თავო“, — ამბობდა მუხლის კვერბზე წამომჯდარი მგზავრი, თანაც შუბს აბჯენდა, რომელიც მარჯვენა ხელში ჰქონდა მაგრა დაბლუჯული: „ვაჰ, დედასა მტრისასა, სიყმე აღარ არი ოხერი, ჯველობის ფილფო დაკარგულა; მაინც არ გასტყდე, ჩემო თავო!“ სხვა გამამხნევებელი რომ არ მოიბოგებოდა, მგზავრი თავადვე ამხნევებდა თავის თავს.

დაბრუნება ან-კი როგორ შეეძლო? კაცი ხევის ბერი იყო. დღეს ღვთისმშობელში უნდა გამოცხადდეს, იქ უთიოს ღამე და ხვალ თანამდებობის ასრულებას შეუდგეს. მთამ დაბრკოლება აღუმართა წინ. მაგრამ ამ დაბრკოლებას სძლევეს და ღვთისმშობელში ამაღამ დიდ ცეცხლს გააჩაღებს, სხვა მლოცავებთან ერთად მამა-პაპის ჩვეულებას ასრულებს: ღამეს საჯარეში გაატარებს; ხვალ შობა დღეა, მლოცავი მოვა ხატში, მოიტანენ ქადა-პურებს (ქადა და ხმიანი), ბერიძემ უნდა დასქრას, სამი წილი პატრონს მისცეს, მეოთხედი — ხატის მსახურს; მოიყვანენ საკლავებს, მოიტანენ კოშტ სანთელს, უნდა

ხევის ბერმა „ჩამოჰქანას“ და მოანთოს, უნდა თვითოეული მოლოცავი „დაამწყალობნოს“, ე. ი. დალოცოს ლუდიანის თასის აპურობით და წარმოსთქვას: „დიდება ღმერთსა, მადლი ღმერთსა, დიდება დღეს დღესინდელ რჯულ-ქრისტიანთასა! დიდება შენდა, ღვთისმშობელო ჩარგლისაო, რასაც გულზე და მხარზე შენი მოსამსახურე ყმა გეხვეწებოდეს, იმ გულზე და მხარზე შაიხვეწიე, შენი ულური მოახმარე, შენი კაბის კალთა დააფარე“ და სხვ. და სხვ.

როგორ შეიძლება, რომ ბერიძემ არ მოანთოს სანთლები ლუდიანს კოდებზე. იმან უნდა მისცეს ხალხს წესი და რიგი: როგორ დარიგდეს პური, ქადის ნაქრები, ხორცი, ლუდი; უნდა ხევისბერმა აღმართოს და შეაქდეროს დროშა. დიდს მიუტევებელს ცოდვას იხამს ბერიძე, თუ ყველა ეს წესი არ აასრულა წმინდად, უკლებლად. როცა დროშას დაინახავს ხალხი, როგორ აღტაცებულია, ცასა სწვდება ხალხის გრძობის ტალღა, როგორც ელექტრონი, ისე გაურბენს დიდსა და პატარას ტანში სამღვთო ზე-აღმტაცი ფიქრები, ზოგნი პირქვე ემზობიან, ზოგი უნდა მივიდეს—ემთხვიოს დროშას, მაგრამ ეკრძაღვის, არა სთვლის თავს ღირსად შეეხოს თავის უწმინდურის პირით, ან ხელით.

ყოველივე ეს საქმე იყო ბერიძის მიერ ასასრულებელი, ხევის ბერს მოვალეობად ჰქონდა ქედზე დაქდებული; თუ ეს წესები არ ასრულებოდა, უნდა წაწყმედულიყო ერი და იმასთან ერთად თვით ხევის ბერი...

II

ხალხი ბერიძეზე იმასაც ამბობდა, როცა გაემართებოდა სალაშქროდა, წაუძღვებოდა წინ ლაშქარს ხელში დროშით ქისტეთის დასარბევად, ან სახლიდან ხატში წავიდოდა სამსახურის ასასრულებლად, — მუდამ ხევის ბერს ცაში, თავზე დაჰ-



ბრუნავს უხარ-მაზარი არწივიო და არც დაანებებს ო ავტოგრაფს, უბრალოდ რე დანიშნულ ალაგას არ მიაღწევსო.

დღეს ბერიძის მფარველი არწივი ცაში აღარა სჩანდა, ციდან აღარ დაჰხაროდა ხალხისა და ხატის მოსამსახურეს, ერთგულს, თავდადებულს; არწივი ციდან ჩამოფრენილიყო, უხილავად შესჯდომოდა მხრებში დაღლილ-დაქანცულ ხევის ბერს და უადვილებდა განრისხებულ, გამწარებულ ბუნებასთან ბრძოლას. ბუნება ნამქერს პირში აყრიდა მგზავრს, სუნთქვას უძნელებდა, სულს უხუთავდა, მაგრამ ის მაინც წინ მიიწევდა და თან ღვთისმშობელ დედას ევედრებოდა თავის გულში: „დედა ღვთისმშობელო, მიშველე და შემძლებინე შენი სამსახურიო!“

ღვთისმშობელმა დედამ თითქოს შეისმინა ბერიძის ვედრება. ქარი ცოტახანობით შეჩერდა. ჯერ არ დაღამებულყო, ერთი საათი კიდევ იქნებოდა. ბერიძემ უღელტეხილს მიაღწია და გადიხედა მთის იქით; გამოჩნდა მისი სატრფიალო ღვთისმშობლის ხატი თავის ნანგრევებით, დარღვეულ ციხე-კოშკებით, დიდრონ დახავსებულ ლოდებით და ათასის წლის უხარ-მაზარ იფნის ხეებით დაჩრდილული. მგზავრმა თავისუფლად ამოისუნთქა, დაკრუნჩხულ ხელებით თეთრი ტყავის ქუდი მოიხადა და პირ-ჯვარი გამოისახა; ექვსის ვერსის, მანძილზე თავის სალოცავი მოიკითხა, სალამი მიართვა.

ხატის მიდამოს ჰხედავს ბერიძე. იქ თვითეული გოჯი მიწა ღვთისმშობლის საბძანებელია, მისი კვარცხლობეკი, წმინდათა-წმინდაა; ის დიდრონი იფნებიც თავით ბოლომდე სული წმინდით არიან გარემოცულნი. არავის შეუძლიან იმათ ხელი, ან მახვილი შეახოს,—ერთი პატარა ტოტი მოსტეხოს; ვაი იმის ყოფნას, ვისაც გაუწყრება ღმერთი და ამას გაჰბედავს!.. ქარმაც რომ მოსტეხოს ამ წმინდა ხეებს ტოტი, იქვე ადგილობრივ უნდა დაღბეს, არავის შეუძლიან წაიღოს და შეშად მოიხმაროს. აი, როგორ ძლიერა ბერიძის სათაყვანებელი სალოცავი!.. ღვთით, იქნება მიაღწიოს ხატში და არ უღალა-

ტოს თავის დანიშნულებას: აქამდის პირ-აღმა ჰქონდა მსგავსი ბერიძეს და თოვლი—საკვალი; ახლა პირ-თავივე დაეშვება და, ღვთით, სიარულიც გაუაღვილდება, მაგრამ ის ფერდა... ჰოო, გასავალი... ვითომ რაო? იქნებ ზევი გადმოსკდეს? ყველაფერი მოსალოდნელია, მაგრამ ყველაფერი ღვთის ნებაა. რაც ღვთის-მშობელსა ნებაეს, ის უნდა მოჰხდეს. ბერიძემ ვაჟკაცურად გადააბოტა და გადაეშვა პირ-თავივე.

ქარი ღრო-გამოშვებით კიდევ დაუბერავდა და ქედანი-ვით ღულუნით გაუვლიდა ყურებში; ნამქერი ახლა მგზავრის-თვის საშიში არ იყო; აქამდის პირში ჰხვდებოდა, ვერაფერი დააკლო, ზურგში მიყრილი რას დააკლებდა?! ბერიძე უფრო გორ-გორის პირებს ეტანებოდა, ყრიდებოდა დაბლობებს, მი-ნამქრულ ადგილებს, სადაც თოვლში კაცი ყელამდე ჩავარ-დებოდა და რის ტანჯვა-წვალებით მოუნდებოდა თოვლიდან ამოსვლა. ბერიძე ადგილისა და ამინდის კვალად იყო ტა-ნისამოსში გამოწყობილი. ჩოხა-ახალოხი დიდსა და განიერ შალვარში ჰქონდა ჩაყრილი, ანუ როგორც ფშაველები ამ-ბობენ „შალვარში იყო ჩამჯდარი“, ფეხებზე ბანდულები (ხუ-ჩები) ეცვა, რომ ფეხი კარგად მოეკიდებინა ყინულზე და არ დასხლტოდა. თეთრი, მსხვილად ჩართული მატყლის საწვივე-ები—პაჭიჭები ეცვა. ხევის ბერი მაინც და მაიც არ იყო თვალ-წარმტაცად მორთულ მოკაზმული და მუდამაც ამგვარად, ეახ-ლებოდა ამ დროს „თავის ღვთიმშობელს,“ მაგრამ ხატს, კარგა რატომ არ მოირთეო, თავის ღღეში არ მოუმიზეზებია და არც დაურბევია. ბოლო დროს, ვიდრე მრისხანედ დაყუდებულს ფერდას გაეკიდებოდა, ღრმა ხევის მოეფარა. უკანასკნელად ქუდის წვერი-ღა ჩნდა, რომელიც მრისხანედ ფამფალებდა, თითქოს ქუდიც ვისმე ემუქრებოდა, თუ მხოლოდ პატრონის გულის თქმას გამოიტყობდა? ბერიძის ქუდის მოძრაობა ამას ამბობდა: „ჩემს პატრონს ჯერ გული არ გასტეხია და არც გაუტყდება; რაც სანატრელი დაუსახავს, მუდამ იმ სანატრე-


ლისაკენ მიიწევს, ყოველგვარ დაბრკოლებას დაამხობს და დაჰკარგავს: თუ ეს ვერ მოახერხა, ერთი საშუალებაა მუდამ ბერიძის ხელთ—უძლეველი დაბრკოლება დაიგოს ლოგინად და ზედ თავად დაიძინოს საუკუნოდ“!..

III

მეორე დღეს, შობას, ხალხი შეგროვილიყო ხატში და მწუხარე სახით და—ზოგი მათგანი თვალ-ცრემლიანი—გასცქეროდა იმ ფერდას, რომელზედაც ბერიძეს უნდა გამოეგლო. ზვაფი მოხეტქილიყო; მოსული კაცის კვალიც შთაინთქა ზვაფში. „უეჭველია დაიღუბა ხევის ბერი, ის ბეჩაფი. იმას რა დააყენებდა მოუსვლელს, თუ ერთი რამ არ იყოს იმის თავსა!“ ამბობდა ხალხი, ხოლო ოცამდე კაცი ფერდას ქვეით ხეფში დადიოდნენ ზვაფზე, ეჭირათ გძელი ჯოხები და მალლიდან სჩხვლენდნენ, რომ ეპონათ „ზვაფისგან ჩამოგდებული ადამიანი.“ ის ბებერი, უზარ-მაზარი არწივიც თავს დასტრიალებდა იმ ხეობას, სადაც ხალხი ეძებდა დაკარგულ ბერიძის გვამს.

ვაჟა-ფშაველა.





მ გ ზ ა ვ რ ი.

(საშობაო ამბავი)



იხეილ მოდილაშვილს ძლიერ უყვარდა სოფელი, ნამეტნავად ზამთარში.

— მიწა თეთრ ფაფუკ საბანშია ჩაფუთნული, ტკბილი სიცივე, აგუზგუზებული ბუხარი, კერაზე დიდი თეთრი კატა, ოითქო — არაკს ამბობსო. მშვენიერი მსუქანი დედალი სუ-

ფრაზე, ცივი, შინაური, ბუხართან ოდნავ გამთბარი ღვინო...

როცა მატარებელი დადგა სადგურზე, მიხეილმა თვალი გადაავლო ხალხის ჯგუფს, შიხედ-მოიხედა, ვერ იპოვნა, ვინც ეგულებოდა და მოხუცებულ სოფლის კაცს ჰკითხა:

— ხომ არავინ არ არის აქა წაბლიანელი?

— არა, ბატონო. იქ მობრძანდებით? — ზრდილობიანად ჰკითხა გლეხ-კაცმა.

— იქ ვაპირებ, მაგრამ თუ იქაური არავინ არ არის, როგორ წავალ?



— რატომ, ბატონო? ჩვენ აქა არა ვართ? ურემიცა გვაქვს, მარხილიც და გზაც ვიცით.

მიხეილმა დაიგრიხა ქალარა-ნარევი მოკლე უღვაშები, — და დაღონებულის ხმით უპასუხა:

— უნდა დამხვედროდა „ქაური კაცი... ნეტავი რა მიზეზია? ხომ არაფერი მოხდა-რა წაბლიანში“?

— არა ბატონო, მშვიდობაა, გუშინ წინ გახლდით იქა, ლევანიც კარგად არის, სახლობაცა, შვილი მოუვიდა. მხიარულად არიან.

— რომელი? — გაეხარდა მიხეილს — სოლიკო თუ ირაკლი?

— სახელები-კი სწორედ არ ვიცი, ტუდენტიაო.

— ჰოო! — ჩაიღიმა მიხეილმა — სოლიკოა „ტუდენტი.“ მაშ, აბა, წამიყვანე, მხოლოდ ფასი-კი მითხარი.

— რასაც მიბოძებთ, მადლობელი ვიქნები.

— არა, ბიძია, სჯობს მოვრიგდეთ, რას აიღებ წაბლიანამდის?

ჰყინავდა. თუმცა ბეწვიანი პალტო ეცვა და ქუდი ეხურა, მიხეილს სციოდა, გლახ-კაციც ებრალებოდა; ბევრი აღარ ილაპარაკა, ორ მონეტად მოურიგდა.

სიმონა გაიქცა მოყვითანო ბილიკზე და მალე გაჰქრა ლურჯ სივრცეში.

მიხეილი შევიდა სადგურში, დაკონკილ მაზარაში გახვეულმა პატარა ბიჭმა ბარგი შეუტანა და კარებში გაჩერდა.

პატარა ხნის განმავლობაში სადგურთან მარხილი მისრი-აღდა; მიხეილმა ფანჯრიდან დაინახა წითელ ხარების თავები და სიმონას ზურგი; ბიჭმა მარდად გაიტანა ხურჯინი და ჩემოდანი, ჩაალაგა მარხილში; მიხეილმა გაასწორა დასაჯდომზე დაფხრეწილი ფარდაგი, ჩაჯდა. აჩუქა ბიჭს ხუთი ახალი ორშაურ-რიანი; ბიჭი სიხარულით გამოეხალმა და გაიქცა.

ბინდ-ბუნდი იყო.

საშინელი ქარი ამოვარდა, თოვლი მოჰყვა და ერთ წუთში ისეთი კორიანტელი აღგა, რომ კაცს ეგონებოდა, ცა,



მთები და დედა-მიწა შეერთდნენო. თითქო ნადირი ღძუო და, თითქო ვილასაც საშინელი დარდი მოაწვა გულზე და ქვითქვითებსო... ძაფივით წვრილი ხმა ოდნავ ისმოდა; მიხეილი, ხარები, სიმონა, მთელი მარხილი—სულ თეთრად იყო... რაღაც თეთრად მოცოცავდა თეთრ მინდორში. მგზავრს და სიმონას სული უგუბდებოდათ...

— ბატონო... ეს... კორიანტელი... არა ხუმრობს... საქონელი დამეხოცება...

— ჩვენ-კი გადავრჩებით?—უპასუხა მიხეილმა.

— მეც ეგ უნდა მომეხსენებინა... ცუდი ამინდი დაგვიდგა... წაბლიანამდინ შორს არის...

— თავი შევაფაროთ სადმე...

თეთრ ფრთებ-გაშლილი კორიანტელი ყინულივით ცივ თოვლს აყრიდა მიხეილს, სიმონას და ხარებს.

საცოდავი პირუტყვი გადაადგამდა ორ-სამ ნაბიჯს, ჩაიფლებოდა თოვლში, დადგებოდა... ქვევით, ზევით, გვერდებზე,—სლუყველგან გაუთავებელი ცივი სითეთრე იყო გაშლილი.

თითქო ღამე დაბერდა და გათეთრდაო... შორი-ახლო ამ სითეთრეზე ყვირთელი წერტილი გამოჩნდა.

— ბატონო! — შესძახა სიმონმა მიხეილს: — მგონი ჩემი ნათლი-მამის ქოხია... იმასთან წავიდეთ... თუ იკადრებთ.

— ლამის დაგვახრჩოს კორიანტელმა, — უპასუხა მიხეილმა — და რა დროს კადრულობა?!.

— ხიი, — ხიიი!..

მაგრამ ხარები არ იძვროდნენ.

ჩამოხტა სიმონა, გაიძრო მაზარა, ხარებს გადააფარა, თითონაც შეჰყო თავი და დაუწყო კისრების სრესა; ხან ჩაოთქლა, და შეიღებსავით მიუალღერსა.

— ხი, — ხი! — თითქო სთხოვდა წამოდითო სიმონა პირუტყვებს. რამდენსამე წუთს იდგნენ შუა ვზაში გაშტერებულნი, გაფიჩხებულნი; მერე სული მოიბრუნეს, ფეხი გადადგეს.



მაგრამ კორიანტელმა კიდევ დაჰკრა მარხილს თაფრის
მაგარი ფრთები...

თითქოს ბავშვის უნუგემო ტირილი, კატების კნავილი,
ნადირის ღმუილი, ვილასიკ გაუთავებელი ხარხარი ისმოდა
მარხილის გარშემო.

ნიკოს ქოხი ტრიალ მინდორზე, პატარა წისქვილის გვე-
რდით იღვა.

ძაღლებმა გაიგეს მარხილის კრიალი და ასტეხეს ყეფა.
სახლის პატრონს ცოტა შეეშინდა, ოდნავ გააღო შავი კარე-
ბი, და შეეხმაურა:

— ვინა ხარ?

რალაც თეთრად მიცოცავდა პირდაპირ ნიკოს ქოხისა-
კენ, ძაღლები აღარ ცხრებოდნენ.

— ნეტავი ვის გაუწირავს თავი, რომ ამ კორიანტელში
მოდის?— უკვირდა ნიკოს; საჩქაროდ ჩაიკვა მაზარა, თვალე-
ზე კუდი ჩამოიფხატა, ხელში ჯოხი აიღო და გარედ გავიდა.

— შინა ხარ, ნათლი მამ?

ნიკომ ხმა ვერ იცნო და ჰკითხა:

— მა სად ვიქნები? ვინა ხარ?

— ვინა და—შენი სვინა, სიმონა.

— სიმონა?— გაუხარდა ნიკოს და მიეგება.

— წაბლიანში მიმყვანდა ლევანის სტუმარი, — დაგვიღამ-
და, თან ეს ბუქი ასტყდა. ბინა მოგვეცი დილამდის, დილაზედ
გზას გავუღდებით.

— დიდი სიამოვნებით, მაგრამ... ხომ იცი... არა ვართ
გამართულები... უბრალოდ ხომ არ იქნება ბატონის სტუმარი.

— არა უშავს-რა, ოღონდაც ბინა მიეცი; განა არ ეცო-
დინება ჩვენი გაქირვება?

— კარგი, როგორმე მოვთავსდებით. მოიყვანე მგზავრი, —
დაბალი ხმით უთხრა ნიკომ, და შევიდა თავის ქოხში.

— აბა, ქალებო, ადექით, ჩვენ სიმონას ვილაც დიდი კა-
ცი მოჰყავს ლევანთან; ძლივ აქამდის მოაგნეს, ბუქისა ეში-
ნიანთ; ვერ წავლენ, დილამდის ბინა უნდა მივცეთ.

საჩქაროდ ადგნენ ნიკოს ცოლი და ორი გასაწინააღმდეგო ქალი, ანთეს ლამპარი, მილაგ-მოალოაგეს იქაურობა, ბუხარში ჯირკვი შეაგდეს, დაფერფლილ ცეცხლს შეუბერეს, ააგუზგუზეს ბუხარი, ზავშვები-კი ტკბილ ძილში იყვნენ; ეცოდებოდათ, ვერ გააღვიძეს.

— მობძანდით, ბატონო! — ეპატიეებოდა ნიკო მიხეილსა.

— გმადლობ, თოვლიანი ვარ; პალტოს გავიხდი, მერე შემოვალ.

— არა, არა, მანდ ნუ გაიხდით: შეგცივათ; შემობძანდით. მიხეილს ძლიერ სციოდა, უარზე აღარ იყო.

ნიკომ მარდად გაიხადა პალტო, ჩამოართვა ქუდი, გაბერტყა კარში, მიიტანა და ლურსმანზე ჩამოჰკიდა.

სიმონა თავის ხარებით მეწისქვილესთან წავიდა.

ქალები, სანამ მიხეილი ბუხართან თბებოდა და თან ნიკოსთან მუსაიფობოდა, თავდარიგს შეუდგნენ, რომ კარგად მიეღოთ და დაებინავებინათ მოულოდნელი სტუმარი. გააბეს თოკი, ამოიღეს სუფთა ჩარსავი, შუაზე გაჰყვეს პაწია ოთახი, ფარდის იქით ტახტზე, საცა იწვნენ ქალები, საუკეთესო ლოგინი გაუშალეს სტუმარს, მერე იმ ტახტზე, რომელიც ფარდის აქეთ იდგა — თავში პატარა ბიჭებს ეძინათ — ბოლოში-კი გაშალეს ლურჯი სუფრა.


ნიკო გაექანა მეწისქვილე სოსიკასთან!

— თუ ძმა ხარ, ერთი ჩარეკა არაყი მომეცი, სტუმარი მყავს: ნუ შემარცხვენ; იმ კვირია შეშას გავყიდი და მოგცემ ფულს.

სანამ ვახშამს აწაღებდნენ, მიხეილი იჯდა ბუხართან დაღონებული, ჩაფიქრებული.

დიდი ხანია ასე ახლოს, როგორც ამალამ, არ ენახა ჩვენის გლეხის ცხოვრება.

რაში ეტყობოდა ამ ოჯახს ან ქრისტიანობა, ან რომ დღეს შობის საღამო იყო. ხვალ, შობას, ზეგ, მაზეგ, დიდ ორშაბათს, აღდგომას — მუდამ ამ ქალების ტანზე ეს დაკონკილი




კაბები იქნება; მუდამ ეს გაშავებული ბუხარი, გამურული ქოთანნი; კიდევ მადლობა ღმერთსა, თუ ლობიო აქვთ. კერაზე ბავშვების დაგლეჯილი ქალონები ეყარა. ამას ჩაიცვამენ ხვალ, დიდ დღესასწაულს, როცა მიხეილის დის-წულები თბილისში თავიდან ბოლომდინ სულ ახლებში იქნებიან გამოწყობილნი. შობის დღეც ისე დადგება ამ საცოდავ ბავშვებისთვის, როგორც სხვა დღე. ხვალაც ასე დაეყრებიან ამ ტახტზე, როგორც დღეს.

მიხეილის აზრები თბილისში გადაფრინდა: თვალ-წინ დანუდგა დის ოჯახში ლამაზად დალაგებული დიდი სასტუმრო ოთახი, გაკაშკაშებული ხომლი, ოქროს კაკლებით მორთული ნაძვის ხე, სანთლებით გაჩაღებული, სულ მალაა წვეროზე დიდი ვერცხლის ვარსკვლავი, სხვა-და-სხვა სათამაშოები; შოკოლადი, ხილი, ფორთოხალი, კახტად ჩაცმული ბავშვები, სიმღერა, ცეკვა-თამაში, შემდეგ ვახშამი. ან ბავშვების თეატრი, კონცერტი — ქალაქის ბავშვებს ამ დღესასწაულში ბევრი სიამოვნება აქვთ, — განა თუ შეძლებულ დედ-მამის შვილებს, ღარიბების შვილებსაც-კი. მიხეილს მოაგონდა, რომ იმ კვირია სამი მანეთი შესწირა თბილისის მასწავლებელთა საზოგადოებას, რომელმაც ქოჩის ბავშვებისთვის შობის ხის გამართვა იკისრა. დასცქეროდა მძინარე ბავშვებს და გულმოკლული ეკითხებოდა თავის თავს — ამ საცოდავებს-კი ვინ გაახარებს ხვალ? ახალ წელიწადსა? როგორ უნდა იგრძნონ ამალამ, რომ მილიონი ხალხი ხვალ დაღადით მოივონებს დიდებულ მასწავლებლის დაბადებას, რომელმაც ანდერძად კაცთ-მოყვარეობა დაგვიტოვა, რომელსაც ყველაზე მეტად ბავშვები უყვარდა.

— შობა უფრო ბალღების დღესასწაულია, ფიქრობდა მიხეილი.

გაცხელებული ლობიო, ნაკვერჩხალზე შემწვარი ხახვი, თორნის პური, სოფლური ბოლის სუნთან არაყი — მეტს რას მიართმევდა სტუმარს ნიკო?

მაგრამ — ნათქვამია — ღარიბის ლუკმა ტკბილიაო; ისე გუ-



ლიანად მიირთვა ეს მცირე ვახშამი მიხეილმა, რომ თბილისში ძვირფასი სადილები, როცა სუფრაზე ახალი ხიზილალა, შემწვარი ხობხები ყოფილა—ისე არ შეურგია.

— ღმერთმა გაცოცხლოს, ნიკო!— აიღო მიხეილმა ხელი უი ყანწი:— მაღლობელი ვარ, რომ შენს სახლში თავი შემათარებინე, თორემ მეცა და შენი სვინაც გზაში დავიღბრჩობოდით.

— უკაცრაოდ, ბატონო: ვერ დაგხვდით ისე, როგორც ეკუთვნოდა თქვენ ღირსებას...— შეკრთომით ეუბნებოდა ნიკო სტუმარსა— ხომ მოგეხსენებათ, მარტო ხელი ვახლავართ.

— რად სწუხდები? დიდად გმადლობ. ღმერთმა მოგცეს სიკეთე, გიცოცხლოს კოლ-შვილი; გმადლობ, ჩემო ნიკო; თუ თბილისში მოგიხდეს ჩამოსვლა, მნახე; მეც გადაგიხდი პატივის ცემას.

მიხეილი ადგა, გაიარ-გამოიარა ქოხში, მერე პორტმონე ამოიღო და ნიკოს უთხრა:

— ცოტა შიშიანობაა თქვენ მხარეს, - ავაზაკები დაძრწიან: სულ მცირე ფული წამოვიღე თანა; აი, ეს შენ ოჯახს მოახმარე; ვწუხვარ, რომ მეტის მოცემა არ შემეძლიან.

როცა მიხეილის ხელში ლურჯი ხუთ-მანეთიანი დაინახეს, საბედო, იმისი ორივე ქალები ჯერ გაშტერდნენ, მერე გაწითლდნენ და გამხიარულებული შავი თვალები შეანათეს ერთმანეთს.

ნიკომ ალაპყრო ორივე ხელი, შეჰხედა გაშავებულ ჭერს და ღრმა გრძნობით სთქვა:

— უფალო, მიცოცხლე ჩვენი ბატონი, რომელმაც ასე გაახარა ჩემი ოჯახი.

მერე მივარდა, და თუმცა მიხეილმა არ მიუშვა, მაგრამ ნიკომ მაინც დაიჭირა იმისი ხელი და აკოცა.

— რასა შვრები, მღვდელი ხომ არ ვარ?— დაღონებით გაიღიმა სტუმარმა.

ხურჯინი და ჩემოდანი ფარდის იქით მიუტანეს მიხეილს.



დილით ადრე გაიღვიძა მიხეილმა. აანთო ლამპარა და
 სწა ბარგი და ცოტა ხანს უკან ისევ შეჰკრა.

მზემ თავი ამოჰყო ღრუბლებში, თოვლი თვალსა სჭრი-
 და ადამიანს. მარხილი უკვე შებმული იყო.

როცა მგზავრი გააცილეს, ქოხში შემოვიდნენ და ბოლ-
 ჩა გახსნეს, საშინლად გაუკვირდათ.

ახალმა სიხარულმა აიტაცა მთელი ოჯახი. ბოლჩაში ბა-
 რათი იპოვნეს.

„კიდევ ვიხდი დიდ მადლობასა, ჩემო კეთილო მასპინ-
 ძლებო! რაც ამ ბოლჩაში იპოვნეთ, თქვენს შვილებს მოახმა-
 რეთ“...

სხვა-და-სხვანაირი კამე ტები, თაფლის კვერები, რომ-
 ლებზედაც გადაკრული იყო ლამაზად დახატული ბავშვები,
 ოთხი ცალ-ცალკე დაქრილი მხიარული ფერის ბამბაზია, სამი
 თავშალი, ლამაზად იყო ჩაღაგებული თეთრ ტილოში.

რაც მიჰქონდა მიხეილს ძღვნად წაბლიანში, იქიდან წი-
 ლი დაუდო ამ საცოდავებსაც.

— ლევანის ოჯახს რა აკლია?! ეუბნებოდა თავის თავს
 მიხეილი: — დღეს ისეთი ხარჯი ექნება, რომ ასი კაციც მიუ-
 ვიდეს სტუმრად, აინუნშიაც არ ჩაიგდებს... ცოტა მაინც გა-
 ინხარონ ამ საცოდავებმა! — აგონდებოდა მიხეილს თავისი მას-
 პინძლები.

ნიკო, საბედო, მათი შვილები იღვანე ლობესთან და გა-
 ჰყურებდნენ ლურჯ სივრცეს, სადაც მარხილი საკვირველის
 მგზავრით თვალს მიეფარა.

„ადამიანის შვილი იყო, თუ მოჩვენება... ანგელოზი“?..

მზის სხივებში თოვლი ბრჭყვინავდა, თითქოს დამდნარი
 ვერცხლი გადაესხათო...


ამ ქოხის გარშემო თითქო ბუნებაც იღიმებოდა...

დ. ვედრებისელი.



უპვიპტუში გაცეპუ.

(ლეგენდა).



ორ აღმოსავლეთის მწირ უდაბნოში იდგა ბზა, მეტად ხნიერი და მეტად მალალი... მგზავრები რომ გაივლიდნენ ამ უდაბნოში, გაჩერდებოდნენ ბზასთან და შეჰყურებდნენ... სტკებოდნენ იმის ცქერით. ბზა უკვე ათასის წლისა იყო, მაგრამ ფოთლები ისევე ახალი და გვარგვინი ისევე მშვენიერი ჰქონდა, როგორც ახლად აღმოცენების დროს.

ბზა ამშვენებდა ამ უდაბნოს... და უეცრად იმისი ფოთლის მძლავრი გვირგვინი შეტოკდა... ბზამ დაინახა ორი მგზავრი --- ქალი და კაცი. ამ მგზავრებს არც წინამძღოლი



ჰყავდათ, არც საბარგე საქონელი, არც კარავი, არც წყდ-
სავსე დოქი.

ეს ადამიანები იმიტომ მოსულან აქა, რომ ამოსწყდ-
ნენ, — გაიფიქრა ბზამ და ელვის სისწრაფით გადაავლო მგზავ-
ვრებს თვალი. — საშინელი სიკვდილი მოვლით ამ უბედუ-
რებს. — გველები დაჰკბენენ, ლომები ლუკმა-ლუკმა დაჰფლე-
თენ მაგათს სხეულს, წყურვილი გულ-მკერდს ამოუშრობს,
ქვიშათა მთები დაჰფარვენ მაგათ ლეშს, მზე დასწვავს და და-
ხრუკავს მაგათს ტანს...

ქალს ხელში ეჭირა ბავშვი, რომელსაც თავი დედის მხარ-
ზე გადაედო და გულიანად ეძინა.

— ძლივს აქვს ტანი დაფარული, — ფიქრობდა ბზა, —
უთუოდ დედა გადმოიხვეწა და ვედარ მოასწრო შვილის ტან-
საცმელის წამოღება... ქმარი სამუშაოდ იყო წასული, ბავშვს
ეძინა, ცოლი წყლის მოსატანად გამოვიდა, ორიოდ ნაბი-
ჯით გასცდა თუ არა სახლსა, დაინახა მიახლოვებული მხედ-
რები. ქალი უკანვე გატრიალდა, წამოავლო ბავშვს ხელი,
გასძახა ქმარსა და გზას გაუდგა. დღე და ღამ შეუსვენებლივ
გარბოდნენ, მტერს ემალებოდნენ.

— ისე შეშინებულნი არიან, რომ ვერც დაღლილობასა
ჰგრძნობენ და ვერც საშინელს ტანჯვას, მაგრამ თვალეზედ
ვამჩნევ, რომ საშინლად სწყურიათ.

— რომ შემეძლოს რჩევის მიცემა, დავაჯერებდი, უკან-
ვე გაბრუნებულიყვნენ. თვით უბოროტესი მტერიც-კი ვერ
გამოიჩენს მაგათთან ისეთს სისასტიკეს, როგორსაც ეს უდაბ-
ნო... — ბზა ხმა-მალლა ამბობდა ამ თავის ფიქრს.

— შე მესმის არა ჩვეულებრივი მელოდიური შრიალი
ჩემს თხემზე. ფოთოლთა წვეროები თითქოს თრთიან... რა
გამოუთქმელის სიხარულის გრძობა მიბყრობს ამ უცხო
მგზავრთა დანახვაზე... რა მშვენიერებაა ეს უბედური ქალი!..
რა მომხიბლავია ეს ლამაზი ბავშვი...

და ბზას თვალ-წინ წარმოუდგა ძველი, დიდის ხნის ვიწყებულის სურათი... მოაგონდა წარსული... მოაგონდა სხვა მგზავრები, სხვა მშვენიერი ქალი... დიდის, დიდის ხნის წინად ორმა მშვენიერმა მგზავრმა ინახულა ეს ოაზისი: საბას დედოფალმა და სოლომონ ბრძენმა. მშვენიერი დედოფალი თავის მიწა-წყალში ბრუნდებოდა, მეფე სოლომონი-კი რამდენსამე მანძილზე აცილებდა და სწორედ ამ ადგილას გამოეთხოვნენ ერთმანეთს.

— ამ წუთის სახსოვრად, — სთქვა დედოფალმა, — ჩავრგავ ფინიკს; მსურს, რომ ამ ფინიკისაგან აღმოცენდეს ბზა^{*}, რომელიც გაიზრდება და გასძლებს მანამდე, ვიდრე იუდიანთა სამეფოს არ მოველინება მეფე, უბრძნესი, ვიდრე სოლომონია. — და დედოფალმა მიწაში ჩამარხა თესლი და თავისი ცრემლებით დაჰნაშა.

რადა სწორედ დღეს მომაგონდა ესა? — უკვირდა ბზას, — განა იმიტომ, რომ ამ ქალმა თავის სილამაზით მშვენიერი დედოფალი მომაგონა?

მე შესძის, ჩემი ფოთლება როგორ უფრო და უფრო შრიალებენ, — სთქვა ბზამ. — ეს შრიალი სამგლოვიარო გალობის მზგავსად მგვრის სევდას. მგონია მგზავრები სიკვდილზე ლაპარაკობენ.

მგზავრებმა თვალი მოჰკრეს ბზასა და ოაზისს და ფეხს აუჩქარეს იმ იმედით, რომ წყალს ვიშოვითო. მაგრამ როცა მიუახლოვდნენ, სასოწარკვეთილებას მიეცნენ — წყარო ერთიანად დამშრალიყო. ღონე-მიხდილმა ქალმა ძირს დასვა ბავშვი და თვალ-ცრემლიანი დაეყრდნო წყაროს. კაციც იმის გვერდით დაემხო და მუშტებს სცემდა გამოფიტულ და გამშრალ დედამიწას. ბზამ მგზავრთა სიტყვებიდან გაიგო, რომ მეფე

^{*}) ცხელ ქვეყნებში იზრდება ერთგვარი ბზა, რომელიც ფინიკს იხსამს და რომელსაც ფინიკის ბზას ეძახიან.



იროდომ ბრძანა ამოეწყვიტნათ ყველა ბავშვი ორიდენი წლის ხნისანი, რომელთა შორისაც მოჰყვებოდა იუდიანთა დიდებული მეფე.

— უმჯობესი იყო შინვე დავრჩენილიყავით, და მხედართავის შეგვეკლა თავი, ვიდრე აქ გადმოვხვეწილიყავით— მოესმა ბზას.

— იქ სიკვდილი უფრო ნაკლებ მტანჯველი იქნებოდა, ვიდრე აქ, უდაბნოში წამებით აღსრულება...

— ღმერთი იქნება ჩვენი მხსნელი! — უბასუხა ქალმა.

— ჩვენ აქ უპატრონოდა ვართ, მარტონი, ნადირთა და გველთა შორის. საქმელი არა გვაქვს და სასმელი... რანაირად შეუძლიან ღმერთს ჩვენი ხსნა...

მგზავრი სიმწრით სამოსელს იგლეჯდა, განწირული ეწყვეტებოდა მიწას...

ქალი წყნარად იჯდა, მუხლებზე ხელებ შემოწყობილი, მაგრამ იმისი მღუმარე გამომეტყველება, უდაბნოსაკენ მიმართული თვალთა ხედვა, აღსავსე იყო უნუგეშო ვაებითა და განუსაზღვრელის სასოწარკვეთილებით.

ფოთოლთა სევდიანი შრიალი უფრო და უფრო მატულობდა და ქალმა ზემოდ აიხედა.

— ფინიკი, ფინიკი!... — სიხარულით წამოიძახა ქალმა.

ქალის ხმაში ისეთი ტანჯვა გამოისმოდა, რომ ბზა სულითა და გულით სწუხდა და ნანობდა, რომ ასე მაღალი იყო. ოჰ, ეს რომ დაბალი ბუჩქი იყოს და ამისი ფინიკებიც ისევე ხელმისაწვდენნი იყვნენ, როგორც ქაცვები!..

მგზავრები ჰხედავდნენ, მიუწოდებელ სიმაღლეზე კონწიალებდნენ ფინიკები...

და მინდორზე მოთამაშე მშვენიერმა ბავშვმა მალლა აღაპყრო თავისი მოელვარე თვალები.

— ბზავ, დაიხარე!

და აი სიკვირველება! ბზის ფოთლები გრიგალის მზგავსად ახმაურდნენ, მთელი ხე შეტოკდა...

ბზამ იგრძნო, რომ ბავშვმა ძლიერი გავლენა იქონიდა უხილავი ძალა ძირს ეწეოდა იმის გვირგვინს... და გვირგვინი უღაბნოს ქვიშას დაემხო...

მგზავრები აღტაცებულნი მისცივდნენ ბზას და სიხარულით სწყვეტდნენ ნორჩ, წყლიან ფინიკებს, რომლითაც იკლავდნენ წყურვილს.

— ბზავ, აღიმართე! აღიმართე, ბზავ! — წარმოსთქვა ბავშვმა... — და უზარ-მაზარი ხე ნელ-ნელა აღიმართა, მისმა ფოთლებმა-კი ქნარის მზგავსად გაიწკრიალეს.

როდესაც სხვა ქარავანმა გაიარა ამ ადგილას, ახალმა მგზავრებმა შენიშნეს, რომ ბზას თხემი ჩამოსქნობოდა.

— როგორ უნდა მომხდარიყო ესა? — სთქვა ერთმა მგზავრთაგანმა: — ეს ბზა არ უნდა გახმეს იმ დრომდე, ვიდრე იუდიანთა ქვეყანა არ იხილავს მეფეს, სოლომონზე უფრო უდიდებულესს.

— უკვე იხილა, — უპასუხა მეორემ...

განდევილი.





მ რ ი მ ხ ა ტ ვ ა რ ი .

(დასასრული).



ი, ახლა-კი დავიღუპეთ, თუ რომ ვინმე გარეშემ დაინახა ეგ სცენა! —ეს იყო მარიანას პირველი ფიქრი; ამგვარმავე ფიქრმა გაუელვა თავში თვითონ ფრეიდენბერგსაც.

რამდენსავე წამს შემდეგ, მივიდა კატოსთან და დაითანხმა, ძმასთან ერთად ოთახში შედითო.

ამავე დროს მოხუცმა, კატოს ხმა რომ გაიგონა: „ფრიდლი, ჩვენი ფრიდლი ბალშიაო“ —ხელის ფათურით დაიწყო ოთახიდან კარის ძებნა და მიჩქაროდა შვილის შესახვედრად.

ფრიდლი-კი, მოხუცი რომ დაინახა, ჯერ ცოტათი შეშინდა და უკან უნდოდა დახეულიყო; მაგრამ, როდესაც მამამ ხელები გაუწოდა და ტკბილის ხმით მღელვარებისაგან ნაწყვეტ-ნაწყვეტად წამოიძახა: „ფრიდლი, ჩემო საყვარელო ფრიდლი!“ —ო, მაშინ-კი მიუახლოვდა მამას, გადაეხვია და ატირდა.



საქართველოს
მეცნიერებათა
აკადემია

— ხომ კარგად მომექცევი? ცემას ხომ არ დამიწყებ? —

გულამოსკვნილის ტირილით ამბობდა ფრიდლი და უკოცნიდა მოხუცს გამხდარს, დანაოკებულ სახეს.

— არა, არა, საყვარელო ფრიდლი! მიუჯო დასამშვიდებლად მოხუცმა მინდმა, რომელიც ცუდილობდა შეეკავებინა ცრემლები; — არა, მიყვარხარ! ჩემი საყვარელი შვილი ფრიდლი ხარ!

სანამ მოხუცი მინდი შვილს ამგვარად ელაპარაკებოდა, კატო ცოტათი მოშორდა იმათ და მხოლოდ ახლა შენიშნა, რომ ბევრგან ფანჯრის გატეხილ მინაზე პირისახე და ხელები დაეკრა. სრულიად მოულოდნელად ფანჯრიდან ბაღში მოსერიწე ფრიდლი რომ დაინახა, კატო ისე გაჰკვირდა და გაეხარდა, ბევრი აღარ უფიქრია, ჰკრა თავი ფანჯრის მინას, გატეხა და შემდეგ, თუმცა ლოყებიდანა და შუბლიდან სისხლი გადმოსდიოდა, უცბად ბაღში გავარდა. ახლა-კი ფეშტამლით მოიწმინდა სახე და ხელები და ისევ მივიდა მამასთან და ძმასთან. ამ ამბის შემდეგ ფრეიდენბერგი ადვილად მიჰხვდა, სახელოვანი „კატის მხატვარი“ მოხუცის მინდის შვილიაო და მისი საიდუმლო ახლა ადვილად შეიძლება გამელაგნებულიყო.

როდესაც რამდენიმე ხანი გავიდა და ყველანი ცოტათი დამშვიდდნენ და გონს მოვიდნენ ამ მოულოდნელ შემთხვევის შემდეგ, მოხუცი მინდი შვილებიანად ისევ იმ ოთახში წაიყვანეს, სადაც კატოსთან ერთად ღამე გაათია. იქ მოხუცმა უამბო ფრეიდენბერგსა და მარიანას თავის ცხოვრების მთელი ისტორია: ფრიდლის გადაკარგვა, თავისი ყოფნა სამუშაო სახლში, სამწუხარო შეხვედრა კატოსთან და ბოლოს მხიარული ნახვა ფრიდლისა.

მოხუცი ამას დიდის გრძნობით ამბობდა, თითქმის ტიროდა და ყველა ამ უბედურების უმთავრეს მიზეზად თავის თავი მიაჩნდა; ფრეიდენბერგი მაინცა-და-მაინც დიდის ყურად-



ლებით არ უსმენდა მოხუცს. უმთავრესი აზრი, რომელსაც ახლა მხატვარი მოეცვა, ის იყო, რომ, რაც შეიძლებოდა, უკეთესად მოეწყო თავისი საქმე და თავიდან აეცილებინა ყველა უსიამოვნება, რაც ადვილად შესაძლებელი იყო დასტეხოდა თავს ფრიდლის დამალვისათვის იმ დროს, როდესაც პესტალოცი დიდხანს მეტად გულმოდგინედ ეძებდა ბავშვს „ახალ-გზოდან“ გაქცევის შემდეგ.

— დღეს მეტს აღარ შეგაწუხებთ, — სთქვა ფრეიდენბერგმა, როდესაც მოხუცმა გაათავა თავისი მოთხრობა: — სამივეს შეგიძლიათ ჯერ ამ ოთახში დარჩეთ, შემდეგ-კი უნდა მოვიფიქროთ, თუ როგორ მოვიქცეთ მომავლისათვის.

ესა სთქვა და ფრეიდენბერგი თავის ოთახში გავიდა; ჩვენი ნაცნობები-კი ძლიერ მხიარულნი იყვნენ, რომ მარტოდ-მარტო დარჩნენ.

მოხუცი მინდი ახლა სრულიად ბედნიერადა ჰგრძნობდა თავს, ფრიდლის რომ ჰხედავდა, რომელიც დიდი ხანია, დაღუპული ეგონა. საბრალო ბავშვიც ძლიერ კმაყოფილი იყო, რომ გვერდით მისი საყვარელი კატა უჯდა: ხელი მოეხვია დისთვის და, რამდენადაც-კი შეეძლო, ცდილობდა ეამბნა თუ სად იყო, რას აკეთებდა და რა ნახა შინიდან გაქცევის შემდეგ. თუმცა ამ საცოდავ კრეტინის მოთხრობა ხშირად გაუგებარი იყო: ხანდისხან მთელი წინადადება მხოლოდ ერთის სიტყვით გამოიხატებოდა, რომელსაც სხვადასხვა გვარად ხელების ქნევა და შლა ემატებოდა, — მაგრამ, მაინც, კატოს მშვენივრად ესმოდა ყველაფერი, რაც მის საყვარელ ძმას უნდოდა ეთქვა მისთვის; და თუ რამ ვერ აღწევდა მის ყურამდის, — რადგან ფრიდლი ლაპარაკს ვერ ახერხებდა, — ამას კატა თავის მოყვარულის გულით გრძნობდა.

სანამ ფრიდლი ამ გვარად ემუშაიფებოდა მამასა და დას მიჩენილს ოთახში, ფრეიდენბერგი ცოლთან ერთად თავის სამუშაო ოთახში იჯდა და სულ იმის ფიქრში იყო, თუ როგორ უნდა მოქცეულიყვნენ.



-- ყველაფერში-კი თვითონ შენა ხარ დამნაშავე. წყო გულ-მოსულმა მარიანამ: — ფრიდლი რომ სასეირნოდ ბაღში არ გაგეშვა, ვერც მამა და ვერც და ვერ დაინახავდნენ. ახლა-კი თავს თუ ჩამოვიხრჩობთ, თორემ მეტი გზა აღარ დავგვრჩენია: ყველა ჩვენს უშვერად ლანძღვა-გინებაში იქნება. მე სწორედ ვერაუფერი მომიგონია, თუ რა ვქნათ და რა გზას ვეწიოთ!

ამას რომ ლაპარაკობდა, მარიანა სულ უფრო და უფრო ფიცხდებოდა: თან-და-თან კიდევ უფრო მეტი ყვედრება და უწყო ქმარს, მაგრამ როდესაც დაინახა, მისმა საყვედურებმა ნაკლებად გასქრა, ისევ გამოიცივალა კილო და უფრო მეგობრულად დაიწყო ლაპარაკი. ფრეიდენბერგმაც ამგვარსავე კილოთი უპასუხა, ასე რომ — ბოლოს მათი უკმაყოფილება მთლად გაჰქრა და ახლა დამწვიდებით მოჰყვენენ მსჯელობას თავის საქმეების შესახებ.

— რაღა გაეწყობა! — სთქვა ბოლოს ფრეიდენბერგმა: — ახლა წარსულის დაბრუნება აღარ შეიძლება, მაგრამ შემდეგში-კი უფრო მეტის წინდახედულობით უნდა მოვიქცეთ.

მათი საუბარიც ამით გათავდა. გვიან, საღამოს, როდესაც მოხუცს მინდსა და მის ბავშვებს ვახშამი მიუტანეს, ფრეიდენბერგიც შევიდა მათს ოთახში. ახლა ის ძლიერ კარგს გუნებაზედ იყო.

— აბა, რას იტყვი, მოხუცო? სთქვა მან ოთახში შესვლისთანავე, სკამი დაიდგა და მინდის გვერდით დაჯდა: — ჩემის ფიქრით, ძლიერ მოხარული უნდა იყო, რომ ბოლოს მაინც იპოვნე შენი შვილი?

— ჰო, რასაკვირველია, ჩემო ბატონო და ხელმწიფეო! — მიუგო მინდმა: — აღარ ვიცი, მადლობაც-კი როგორ შევწირო უფალს ასეთის მოწყალებისათვის!

-- უთუოდ, არც მე მიჯავრდები, — განაგრძობდა ცბიერი მხატვარი: — მისთვის, რომ ამ ხნის განმავლობაში უბედურ

ფრიდლის ნამდვილ მამის მაგიერობა გაუწიე, თავსე საფრთხილი მივეცი და ცოტა რამ კიდევ ვასწავლე, არა?

— ოჰ, რას ბრძანებთ, ჩემო ბატონო, როგორ შემძლია გაგიჯავრდეთ, როცა ასეთი სიკეთე მიყავით! წამოიძახა მოხუცმა და ცრემლი მოერია თვალებში.—მე ერთი ღარიბი, საწყალი კაცი ვარ და, საუბედუროდ, მეტი არაფრით შემძლია მადლობა გადაგიხადოთ ყველა თქვენი მოწყალებისთვის, თუ არა მხოლოდ გულწრფელი და მხურვალე ლოცვავებრებით შემოქმედისადმი, რომ დიდხანს გაცოცხლოს და გადღეგრძელოს.

— ოჰ, ჩემთვის ვეც სრულიად საქმაოა, მოხუცო,—უცბად გააწყვეტინა სიტყვა ფრედენბერგმა:—მაგრამ შემდეგში როგორ უნდა მოვიქცეთ? ხომ არ ისურვებ, რომ ფრიდლი დროებით ჩემთან დასტოვო?

— ეგ ჩემთვის ნამდვილი ბედნიერება იქნებოდა, ბატონო,—სთქვა მანდმა:—ვხედავ, თქვენთან კარგად ცხოვრობს, არაფერი აკლია; ყველაფერს აძლევთ, რაც მისთვის საჭიროა. მე-კი ვერაფერს უშოვნი, გარდა იმ მოწყალებისა, რომელსაც კეთილი ადამიანები შომცემენ.

ფრედენბერგს ძლიერ მოეწონა ასეთი პასუხი, რომელიც სრულიად ეთანხმებოდა მის სურვილსაც.

— ძლიერ მოხარული ვარ, მოხუცო, რომ შვილი ასე გყვარებია და მისთვის სიკეთე გსურვებია, დაიწყო მცირე ხნის სიჩუმის შემდეგ:—მაგრამ, რადგანაც ძლიერ ღარიბი და უმწეო ხარ, მე და ჩემმა მეუღლემ ერთი რამ მოვიგონეთ თქვენთვის. აბა, კარგად დამიგდე ყური!

ამ სიტყვების გაგონებაზე მინდმა კოვზი ძირს დასდო, თვალები მოლაპარაკეს მიაშტერა და სახეზე რაღაც მოუსვენარი და ძალდატანებული ლოდინი გამოეხატა. კატოც თვალგაცეცებით მისჩერებოდა ფრედენბერგს: მხოლოდ ფრიდლი სრულიად გულგრილად ეკიდებოდა ყველაფერს, რაც მის გარშემო ხდებოდა: ხელში ძვალი ეჭირა, განაგრძობდა მის



ხვრას და არავითარ ყურადღებას არ აქცევდა ფრეიდენბერგის სიტყვებს.

— მე და ჩემი ცოლი ძლიერ შეგვაწუხა თქვენის უბედურების გაგებამ, — განაგრძობდა ამ დროს ფრეიდენბერგი: — და როდესაც დავინახეთ, თუ რა ძლიერ გიყვართ თქვენ ერთმანეთი, გადავწყვიტეთ, ყოველი ღონისძიება ვიხმაროთ, რომ თქვენ ერთმანეთს არ დასცილდეთ; ასე რომ — თუ ისურვებთ, შეგიძლიანთ დარჩეთ ჩვენსას და იცხოვროთ ამ პატარა კოხტა ოთახში. შენ, მოხუცო, შეიძლება, იშოვნო ჩვენსა ისეთი რამ ადვილი სამუშაო, რაც შენს სუსტ ღონეს შეეფერება; კატო ჩემ ცოლს მოეხმარება საოჯახო საქმეებში; რაც შეეხება ფრიდლის, რომელსაც ძლიერ უყვარს ყარანდაშები და საღებავები, იმას შეუძლიან ხატოს, რასაც მოისურვებს. სამაგიეროდ გექნებათ მუქთი ბინა, სასმელ-საქმელი, ტანისამოსი და ფეხსაცმელი. ყოველ ამას ხვალვე გიყიდით, თუ დარჩენას გადასწყვეტავთ. გარდა ამისა, ცოტა ჯამაგირსაც მიიღებთ.

ეს რომ მოისმინა, მინდს ეგონა, სწორედ სიზმარში ვარო, და დიდხანს ვერ მოახერხა მხატვრის წინადადების პასუხი. ბოლოს, როდესაც ფრეიდენბერგმა თითქმის ხუთჯერ გაუმეორა „თანახმა ხარ, თუ არა ორივე ბავშვით ჩემს ოჯახში დარჩეო“, მოხუცი სკამიდან წამოხტა, თავისი გამხდარი ხელები მხატვარს მხრებზე დაადვა და წამოიძახა: „განა ეს შესაძლებელია, ბატონო? ნუ თუ მართლა გსურთ ჩვენი ასე გაბედნიერება? მერმე რისთვის მიგზავნის უფალი ამ სიბერის დროს ასეთს დაუმსახურებელ ბედნიერებას?!

კატო წამოდგა ადგილიდან, მხურვალე მადლობა შესწირა ფრეიდენბერგს და იმავე დროს ალუთქვა, მუდამ თქვენი ერთგული და გამგონე ვიქნებო.

— მხოლოდ, აი, კიდევ რა უნდა გითხრათ, — დინჯად განაგრძობდა ფრეიდენბერგი: — მე თქვენ პირობა უნდა მომცეთ, ერთი — რომ ჩემს დაუკითხავად არასოდეს სახლიდან არსად

წახვიდეთ; და მეორე — არავის უთხრათ, თუ ვინ რას აკეთებდა ან ფრიდლი, ან სხვა, არც ის, რომ ჩვენ ცოტათი ვანებიერებთ ფრიდლის და ყველაფერს უსრულებთ, რომ ეს იამოგნოს და გამხიარულდეს. მე მსურს, რომ ჩემი ქველ-მოქმედება არავინ იცოდეს. მე იმ აზრისა ვარ, რომ საზოგადოდ ყოველი კეთილი საქმე კაცმა ჩუმიად უნდა ჰქნას და ყველას გასაგებად არ იყვიროს. მხოლოდ არ დაგავიწყდეთ, რომ საკმაო ერთხელ შევნიშნო, თქვენ ჩემს ბრძანებას არ ასრულებთ, მაშინვე თქვენზე ხელს ავიღებ და სამივეს სახლიდან დაგიტოვოთ, — და ათავა ფრეიდენბერგმა.

მინდმა და კატომ, რომლებზედაც ღრმად იმოქმედა მხატვრის გულკეთილობამ, ფიცით აღთქმა დასდევს, მუდამ წმინდად ავასრულებთ თქვენს ბრძანებას და არავის ვეტყვით, კრინტსაც არ დავსძრავთ იმის შესახებ. თუ ვინ რას ვაკეთებთ. რამდენსამე დღეს რომ დარჩნენ ფრეიდენბერგის სახლში, კატო და მისი მამა ისე შეეჩვივნენ თავის ახალ მდგომარეობას, თითქოს იქ დიდი ხანი ეცხოვროთ და ყოველ დღეს ჰმადლობდნენ უფალს მათზე მოვლენილ ბედნიერებისათვის.

X

მრავალმა წელმა განვლო მას შემდეგ, რაც ზემოხსენებული ინგლისელი ბერნი იყო და ვერნეს მალაზიაში იყიდა სურათი, რომელზედაც გამოხსნული იყო კატების მთელი ოჯახობა. მიუხედავად ამისა, ამგვარი სურათები ახლაც ისე ძვირად იყიდებოდა, როგორც წინად; ვერნემ-კი ახლაც არ იცოდა, სად ცხოვრობდა ეს შესანიშნავი მხატვარი.

ამ ხნის განმავლობაში ნიკლასმა კიდევ დაამთავრა სწავლა და გვარიანად ხატავდა, თუმცა ჯერ დიდი სახელი არ ჰქონდა გავარდნილი და დიდი სარგებლობაც არა ჰქონდა. ამიტომ იძულებული იყო, ცოტა დრო ვერნეს მალაზიაში მუ-



შაობისათვისაც გადაედო, რომელიც კარგს ჯამაგირს აძლევდა ყმაწვილს და ძლიერაც უყვარდა.

— მე რომ ვიცოდე, იტყოდა ხანდისხან ნიკლასი: — რომ ვიცოდე მხოლოდ, ოდესმე მხატვრობაში ისეთ უაღრესობაში დის მიკაღწევ და ისეთი სახელოვანი გავხდები, როგორც ჩვენი ცნობილი „კატის მხატვარი“, მაშინ, თქმა არ უნდა, არ მოვიშორებდი სამხატვრო კალამს და დღე და ღამე სულ ვხატავდი. მაგრამ ეჰ!.. ასეთი ბედნიერნი ხომ იშვიათად მოიპოვებიან და მე კი მათს რიცხვს არ ვეკუთვნი.

ასეთ ნაღვლიან ფიქრებს შემდეგ, ნიკლასი საზოგადოდ მოიწყენდა, დაღონდებოდა, ცოტა ხანს იმწუხარებდა, შემდეგ-კი ისევ მზიარულად შეუდგებოდა თავის ჩვეულებრივ საქმეს. ერთხელ, დილით, ვერნეს მაღაზიაში, სადაც ნიკლასი მსახურებდა, შემოვიდა ეგრედ წოდებულის „ახალი ეზო“-ს ღირექტორი ჰენრი პესტალოცი. მაღაზიის პატრონმა, რომელიც დიდი ხანია იცნობდა პესტალოცის და ხშირადაც უნახავს, ერაზაშად შეამჩნია, რომ მის სტუმარს, რომელიც შესახედავად ყოველთვის გამხდარი და ფერმკრთალი იყო, დღეს ნამეტნავად ემჩნეოდა დაღალვა და დაქანცვა, თითქოს რაღაც მძიმე დარდებს შეუპყრიაო.

— რა დაგემართათ, ბატონო პესტალოცი? — თანაგრძნობით ჰკითხა ვერნემ: — თქვენ დღეს რაღაც ძლიერ შეწუხებული და მოქანცული მეჩვენებით!

— მართალს ამბობთ: დღეს რაღაც ვერა ვარ ჩემს გუნგბაზვ, — მიუგო პესტალოციმ: — და საკვირველიც იქნება კაცმა კარგად იგრძნოს თავი, როდესაც ჰხედავს, ყველა მისი გეგმა, ყველა მისი საუკეთესო, გულითადი განზრახვა იმსხვრევა და სულელთა და უვიცთა სასაცილოდ ჰხდება.

— მესმის, რის თქმაცა გსურთ, — სთქვა თავის მხრით ვერნემ: — და გულითა ვწუხვარ, რომ ასე მცირე თანამგრძნობთა რიცხვი ჰყავს თქვენს კეთილშობილურ მისწრაფებას იმწმინდა საქმეში, როგორცაა ობოლთ პატრონობა, იმ ობოლ-



თა, რომელთაც თქვენა ზრდით და გსურთ სახელმწიფოს სარგებლო მსახურებად გაჰხადოთ. ისიც ვიცი, რომ ბევრს არამც თუ თქვენი მისწრაფების გაგება არა სურს, თითქმის ბოროტად იყენებენ თქვენს გულკეთილობას და თქვენდამი სხვების ნდობას ძირს უთხრიან.

— ეს ყველა ასეა, ბატონო ვერნე, — გააწყვეტინა სიტყვა პესტალოციმ: — მაგრამ თავი დავანებოთ ამ მოსაწყენ საუბარს; უკეთესი იქნება ის მითხრათ, თუ როგორ სცხოვრობს თქვენი ძმა მხატვარი, როგორაა მისი ჯანმრთელობის საქმე?

— გმადლობთ; ახლა ბევრად უკეთაა, — მიუგო ვერნემ: — გუშინ მწერდა, ამ დღეებში, დიდის ხნის მოგზაურობის შემდეგ, ციურისში დავბრუნდებო, ასე რომ — ახლა ყოველ დღე ველი.

— ძლიერ კარგი. თქვენი სავაჭრო საქმეები როგორღა მიდის? — განაგრძობდა პესტალოცი.

— არა უშავს-რა, საქმეები ცუდად არ მიდის, მაგრამ ისე კარგად-კი ვერა, როგორც წინად მიდიოდა, — სთქვა ვერნემ.

— რატომ? — გაიკვირვა პესტალოციმ.

— მიტომ რომ — ჩვენი „კატის მხატვარი“, რომლის შესახებ უთუოდ თქვენც გაიგონებდით რასმე, ან ავად უნდა იყოს, ან უთუოდ ზარმაცობა დაიწყო, და ეს ერთი ხანია, მისი სურათები იშვიათად მომდის. უწინ-კი თვეში სამი-ოთხი მისი დახატული სურათი მომდიოდა და მოგებასაც კარგს მაძლევდა.

— მისი საცხოვრებელი ადგილი უწინდელივით კიდევ საიდუმლოებითაა მოკული? — განაგრძობდა პესტალოცი: — უნდა გამოვტყდე, ეგ საიდუმლოება მე როგორღაც არ მომწონს და ჩემთვის ძლიერ დიდი გამოცანაა.

— მეც ჩემის, მხრით არ ვიცი, რა ვიფიქრო ამ საკვირველ საიდუმლოსი, — მიუგო ვერნემ; — ყოველი ღონისძიება ვიხმარეთ, რომ ცოტა რამ მაინც გაგვეგო ამ შესანიშნავ მხატვრისა, მაგრამ...



ამ ლაპარაკის დროს უცბად გაიღო კარი და მალაზიაში შემოვიდა ვერნეს ძმა, მხატვარი, რომელიც თავის დიდის ხნის მოგზაურობიდან დაბრუნებულიყო.

— ვიპოვნე! ვიპოვნე!— ხმა მალლა წამოიძახა შემოსვლისათანავე ხელების შლითა და არავითარი ყურადღება არ მიუქცევია არც ძმ სთვის, რომელიც რამდენისამე თვის განმავლობაში არ ენახა, არც პესტალოცისთვის; თითქმის სალამიც კი არ მიუცია მათთვის.

— ვინ იპოვნე? აღარ იტყვი, ვინ იპოვნე? გაგვაგებინე! — ჰკითხა ძმამ და რამდენიმე ნაბიჯი წინ გადადგა.

— როგორ თუ ვინ ვიპოვნე? ვინა და შესანიშნავი „კატის მხატვარი!..“ — განაგრძობდა ის და გახარებული ხელებს აქნევდა.

— ნუ თუ მართლა?— ერთხმად წამოიძახეს პესტალოციმ, მხატვრის ძმამ და ნიკლასმა, რომელიც თავის მაგიდასთან რაღასაც სწერდა და, როდესაც ეს ახალი ამბავი გაიგონა, ვაკირვებით კალაში ხელიდან გააგდო.

— რა საკვირველებაა!— წამოიძახა თავის მხრით პესტალოციმ.

— ეს-ეს არის ჩვენც იმის შესახებ ვლაპარაკობდით...

— დიად, სწორედ რომ საკვირველებაა!— სიტყვა გააწყვეტინა მხატვარმა და მთელს ამ საქმეში ნათლად სჩინა ღვთის ნება.

— კარგია, სთქვი ჩქარა, ვინ არის?— უჩქარებდა მხატვრის ძმა:— ძლიერ მინდა მალე გავიგო მთელი ეს ისტორია.

— საუბედუროდ, არ შემძლია დაწვრილებით გადმოგცეთ მისი ისტორია, რადგან კარგად არც მე ვიცი, — შენიშნა მხატვარმა:— ერთი რომ— მე კიდევ არ ვიცი, ვინაა ეგ შესანიშნავი მხატვარი; მაგრამ ის-კი გავიგე, რომ ბერნში სცხოვრობს; ვიცი მარტო სახლი-კი არა, ოთახი-კი, რომელშიაც ის იმყოფება; ასე რომ— დანარჩენის გავება ახლა ღვენთვის ძნელი საქმე აღარაა.



— მერმე როგორ გაიგე ყოველივე ეგა? — ეკი ნებოლა ვერნე. — დასვა ძმა და სთხოვა დაწვრილებით მოჰყოლოდა ყველაფერს, თუ როგორ იყო საქმე.

— მაშ, კარგი, ყური დამიგდეთ! — დაიწყო ვერნემ, როდესაც სკამზე დაჯდა თავის ძმასა და პესტალოცს შუა; ნიკლასი-კი თავის მასწავლებლის სკამს უკან გაჩერდა. — საქმე ასე იყო: ხუთის დღის წინად ბერნში ყოფნა მომიხდა, განაგრძობდა ჩვენი მოამბე. — სადაც ჩამოვხტი ერთს საუკეთესო სასტუმროში. იქ დამბინავეს ერთს პატარა, მაგრამ სუფთა ოთახში, რომლის ფანჯრებიც ეზოს გადაჰყურებდა. რადგან მთებში მოგზაურობის შემდეგ, ნამეტანს დალაღვასა ვგრძნობდი, მაშინვე უბრძანე მოეტანა „საქმელი“ და მალე კიდევ დავწექ დასაძინებლად. მაგრამ ვერც-კი მოვასწარ კარგად დაძინება, რომ უცბად მომესმა საშინელი, გულ-გახეთქილი ყვირილი. რასაკვირველია, მაშინვე წამოვხტი ლოგინიდან, ფანჯარა გამოვალე და ყური დაუგდე. რამდენსამე წამს შემდეგ, გავარჩიე, რომ ეს ხმა ერთ პატარა სახლიდან მოისმოდა, რომელიც თითქმის სულ განკერძოებით იდგა და ბალის ერთის მხრით სასტუმროს კედელს სწვდებოდა. როდესაც ყველა ეს გავარკვიე, ჩავიცვი ტანთ, როგორც იყო, ჩამოვირბინე კიბეზე, მივედი ბალამდის, იქიდან-კი სახლამდისაც. სახლის გარეთ კარი დაკეტილი დამხვდა; მაგრამ, რადგანაც ყვირილი არ წყნარდებოდა, ბევრი არ მიფიქრია, რაც ძალი და ღონე მქონდა, ვკარი წიხლი, შევვლიოჯე კარი და გავიქეცი ზევით, საიდანაც ისმოდა ყვირილი „გვიშველეთო.“ როდესაც კიბეზე რამდენიმე საფეხური ავირბინე, უცბად წავაწყდი ახალგაზდა ქალს, რომელიც ძირს ჩამოდიოდა. საცოდავი, ეტყობოდა, ძლიერ შეშინებული იყო; ისე თრთოდა, თითქოს გააცივავო; ცრემლად იღვრებოდა და, როდესაც დამინახა, სასოწარკვეთილებით დაიყვირა: „გვიშველეთ, ღვთის გულისთვის, გვიშველეთო.“

— რა ამბავია? ასეთი რა შეგემთხვათ? — ვკითხე მე.



— რა და, აი, იმ ოთახში კატა გაგიყვდა, — განაგრძობდა ბდა ქალიშვილი და ხელით იქვე ახლო კარს მანიშნებდა, — დიასახლისმა არ იცის, რა მოუხერხოს. თუ ღმერთი გრწამთ, მოეხმარეთ.

როდესაც საქმის გარემოება გავიგე, მაშინვე გავყევე ქალიშვილს იმ ოთახისაკენ, და იქ შემდეგი სურათი წარმომიდგა: საკმაოდ კარგს ოთახში, სადაც მხოლოდ ერთი სანთელი ენთო, ნახევრად რაღაც წყვილიანი მეფობდა და ეს წყვილიანი ოთახის მთელს მოწყობილებას რაღაც საკვირველ სახეს აძლევდა. ამ წყვილიადში მაინც შეიძლებოდა შეგემჩნიათ შუახნის მეტად სქელი ქალი. ის იდგა შუა ოთახში, ერთ ხელში იატაკის საწმენდი ჩოთქი ეჭირა, მეორეში-კი გრძელი ჯოხი და ხან ერთით, ხან მეორეთი განუწყვეტლივ იგერებდა კატას. კატა მართლაც გაცოფებული უნდა ყოფილიყო: თავზე ხელაღებული დახტოდა სკამებზე და მაგიდებზე; ხან კედელს ჩამოეკიდებოდა, ხან გაჩერდებოდა შეშინებული დედაკაცის წინ, რომელიც ჩოთქით და ჯოხით იყო შეაარაღებული, და ეტყობოდა, მზად იყო ჩაფრენოდა იმ დედაკაცს კლანჭებითა და კბილებით. ჩემს ბედათ ამ დროს მე თან მქონდა ჩემი სამგზავრო, წამწვეტებული რკინის ბოლოიანი ჯოხი და იმით მივვარდი კატას. იმედი მქონდა, ერთი შემოკვრით იქვე დავწვენი დახელებულ ცხოველს, მაგრამ თქვენც არ მომიკვდეთ! დამინახა თუ არა, კატა ფანჯარას დაეჯახა, გატეხა მინა და უცბად ქუჩაში გავარდა. — ოჰ, დიდება შენდა უფალო! წარმოსთქვა შეშინებულმა დედაკაცმა, ჩოთქი და ჯოხი ხელიდან გააგდო და თითქმის უგრძობლად სავარძელში ჩაეშვა. ამასობაში მოვასწარ თვალი მიმომეველო ჩემს გარშემო. პირველი საგანი, რომელიც თვალში მომხვდა, იყო სამხატვრო დაზვა თითქმის გათავებული სურათით. ამ სურათზე გამოსახული იყო კატა, რომელიც თავის უყარაულობდა. სურათის ერთი შეხედვით შეატყობდით, რომ სახელოვან მხატვრის კალამს ეკუთვნოდა, რომელიც ცნობილი იყო „კატის მხატვა-



ეროვნული
ბიბლიოთეკა

რი“-ს სახელით. ძნელი არ იყო იმის გამოცნობაც, რომ მხატვარი ამავე ოთახში მუშაობდა ამავე სამხატვრო დაზგაზედ. რომ ეს ასე იყო, კიდევ უფრო დავრწმუნდი, როდესაც დავინახე მაგიდაზე დაწყობილი პატარა სურათები და კარანდაშით დახატული ესკიზები. ბოლოს ოთახის მეორე კუთხეში დავინახე იმ კაცის დიდი სურათი, რომელსაც ჩვენთან „კატის მხატვრის“ ნაკეთები სურათები მოჰქონდა. ეს ყველაფერი რომ წარმოვიდგინე და ისიც დავინახე, რომ დიასახლისი ცოტათი გონს მოვიდა, მივუახლოვდი და ვკითხე, სადაა ყველა ამ სურათების მხატვარი მეთქი. მაგრამ ჩემი კითხვა დიასახლისის რისთვისღაც არ მოეწონა და მოკლედ და უგულოდ მიპასუხა, მხატვარი ავადაა და ახლა მისი ნახვა არ შეიძლებაო. შემდეგ მადლობა გადამიხადა დახმარებისათვის და თანაც მაგრძნობინა, ახლა-კი დროა თქვენს გზას გაუდგეთო. უნდა მოგახსნოთ, რომ ამ ქალის ლაპარაკმა და თვით ქალის სახე-მაც ძლიერ მომშალა და კიდევ უფრო აღმიძრა ცნობის მოყვარეობა. კიბიდან რომ ჩამოვდიოდი, ველარ მოვითმინე და ვკითხე ახალგაზდა ქალს, რომელიც მე მომყვებოდა, ვისი დახატული იყო, მე რომ დაზგაზე სურათი ვნახე.

— ეგ სურათი ჩემის ძმის ნახატია, — ჩურჩულით მიპასუხა და შემდეგ დაუმატა, — ახლა ის საცოდავი ძლიერ ავადააო.

— მერმე, მხოლოდ კატებს ჰხატავს? — ვკითხე მე, რომ კიდევ უფრო დავრწმუნებულეიყავ, მართალი იყო თუ არა, რასაც ვფიქრობდი.

— დიალ, მხოლოდ კატებს, — განაგრძობდა ქალიშვილი: — მაგრამ მე სასტიკად აღკრძალული მაქვს ამის თქმა; მე, თქვენ ისეთი სიკეთე მიყავით, რომ თქვენთან ამის დამალვა არ შეიძლება.

— რასაკვირველია, რასაკვირველია! — დავემოწმე და შემდეგ ვკითხე, რას უშვრებოდნენ ამ სურათებს.

— სურათები ციურობში მიაქვთ და იქ ჰყიდიან, — სთქვა ქალიშვილმა: — უწინ საზოგადოდ თვითონ ოჯახის უფროსს



დაჰქონდა სურათები, მაგრამ, ის რამდენიმე თვეა, განდევნილია ცვალო და ახლა ეგ საქმე მინდობილი აქვს ერთს მის ნაცნობთაგანს

მე ძლიერ კმაყოფილი დავრჩი, რომ ასე ბევრი რამ გავიგე და კიდევ განვაგრძე ლაპარაკი. ამ ლაპარაკის დროს ცოტ-ცოტათი გავიგე, რომ ქალიშვილს ძლიერ ცუდად ეპრობოდნენ, მაგრამ მაინც მზად იყო ყველაფერი მოეთმინა, ოღონდ-კი დიასახლისი მკაცრად არ მოჰქცეოდა საწყალ მის ძმას.

— მხოლოდ წარმოიდგინეთ, ბატონო, — ამბობდა ქალიშვილი და ლოყებზედ სხვილ ცრემლებს იწმენდა: — წარმოიდგინეთ, რომ ჩემი ძმა სუსტია, ავადმყოფია; მაინც დილიდან საღამომდის ამუშავებენ, ძლიერ ცუდათ აქმევენ, სუფთა ჰაერზე სულაც არ უშვებენ და ყველა ეს, რასაკვირველია, სიძუნწით მოსდით. თუმცა ოჯახის უფროსის სიცოცხლეშიაც მზიარული ცხოვრება არა ჰქონია, მაგრამ ისეთი საშინელი მაინც არ ყოფილა ეს ცხოვრება, როგორც ახლა.

— ჩემი მოსაუბრე, უთუოდ, კიდევ ბევრს სამწუხარო ამბავს გადმომცემდა სახელოვან მხატვრის ცხოვრების შესახებ, მაგრამ მალე მოისმა დიასახლისის ფეხის ხმა და მეც მოუჩქარე ნაბიჯს, რომ ჩემ ახალ ნაცნობისთვის კიდევ არ მიმეყენებინა უსიამოვნება. მაგრამ ჩემთვის ესეც საკმაო იყო: ახლა უკვე ვიცოდი, როგორ მეპოვნა სახელოვანი „კატის მხატვარი.“

— მერმე ყოველივე ეგ რა საოცრად მომხდარა! — შეჰნიშნა პესტალოციმ, რომელიც დიდის ყურადღებით ისმენდა მხატვრის ამბავს.

— დიად, სწორედ შეუძლებელია, რომ ამაზედ უფრო გასაოცრად მოეწყოს საქმე! — წარმოსთქვა თავის მხრით ბერნემ, მაღაზიის პატრონმა: — ახლა ჩვენ ვიცით, რომ სახელოვანი მხატვარი ბერნში სცხოვრობს...



საქართველოს
საბჭოთაო
საზოგადოებრივი
საბჭოთაო
საბჭოთაო

— და ითმენს ყოველგვარ შევიწროებას თავის ავადმყოფობისა და უფროსების სიხარბის წყალობით, როგორცა სთქვა მისმა დამ, — გააწყვეტინა სიტყვა მხატვარმა ბერნემ: — ამიტომ, ჩემის ფიქრით, ძმაო, ჩვენი მოვალეობაა ბერნში წავიდეთ, პირისპირ ვნახოთ ეგ საოცარი გენიოსი და, თუ საჭიროდ დავინახავთ, შევეწიოთ, რამდენადაც ეს შესაძლებელი იქნება.

— მაშ, მეც თან წამიყვანეთ, ბატონებო! — ჩაერია პესტალოცი: — მეც მზადა ვარ შევეწიო იმ კაცს ისე, როგორც ყველას, ვინც შემწეობას საჭიროებს. ჩემის ფიქრით, ამ შემთხვევაში, რაც მეტნი ვიქნებით, მით უკეთესია...

— სწორედ, სწორედ! — დაეთანხმა ორივე ძმა და იქვე გადასწყვეტეს, რომ ყველანი, პირველ მოხერხებისათნავე, წასულიყვნენ ბერნს და თან წაეყვანათ ნიკლასიც, რომელსაც ვერნეს ლაპარაკი მეტად ღრმად ჩასწვდა გულში.

XI.

ამ საუბარს შემდეგ, სამი დღე გავიდა. ძლიერ ცხელი დღე იყო: მზე დილიდანვე უწყალოდ სწვავდა ყველაფერს; შუადღისას-კი ისეთი სულის შემხუთავი სიციხე დადგა, რომ ჩასუქებული მარიანა ფრეიდენბერგისა სწორედ მოსასვენებელ ადგილს ვერ პოულობდა და არ იცოდა, რა ექნა; ბოლოს ფანჯარასთან მივიდა, რომელიც ჩრდილოეთისაკენ გაიყურებოდა, და იქ დაჯდა, — იქნება, აქ ცოტათი მაინც გავგრილდებო. მაგრამ ხუთი წამიც არ გასულა, რომ შეშინებულმა მარიანამ შეამჩნია, მის სახლისკენ ოთხი კაცი მოდიოდა; ამათში სამი შუა ხნისაზედ უფროსი იქნებოდა, მეოთხე-კი ჯერ სულ ყმაწვილი იყო.

— ნეტა რად მოდიან ეს კაცები? — გაიფიქრა მარიანამ და მაშინვე მოსცილდა ფანჯარას. ამავე დროს კატოს სასტიკი ბრძანება მისცა, არას გზით კარი არ გაეღო. სანამ მარიანა-

ნა ამ გვარ განკარგულებას იძლეოდა, მოისმა ზარის ერთი რუნე, ამას მოჰყვა მეორე, შემდეგ მესამე.

— აი, ხომ ხედავთ, მოხუცი ტომი სიმართლეს გვეუბნებოდა, — შენიშნა მხატვარმა ვერნემ თანამგზავრებს, ე. ი. თავის ძმას, ნიკლასსა და პესტალოცის: — ნამდვილ სიმართლეს, როდესაც გვარწმუნებდა, ქალბატონი ფრეიდენბერგი გარეშეთაგანს არავის სახლში არ იღებსო. მაგრამ ჩვენ მაინც შევალთ, თუნდ ეგ ზარი სულაც დაიმსხვრეს.

— მე, სიმართლე მოგახსენოთ, არც ისე დავიჟინებდი სახლში შესვლას, — სთქვა პესტალოციმ, რომ იმ მოხუც ტომის კიდევ უფრო არ წაექეზებინა ჩემი ცნობის მოყვარვობა თავის ამბებით ამ ფრეიდენბერგის სახლის საოცარ მოწყობილების შესახებ: ახლა, მე ვფიქრობ რომ ამ სახლში უსათუოდ რასმე საშინელს, შემადრწუნებელს დავინახავთ.

აქ ვერნემ ზარს მეოთხედ ჩამოჰკრა და თან დაუმატა: — იმ საზიზღარ ფრეიდენბერგს არავითარი უფლება არა აქვს სახლში არ შეგვიშვასო. ამასობაში მარიანა, რომელსაც ერთი მეორეხედ უფრო ძლიერი ზარის ხმა ესმოდა, შიშით ჰკანკალებდა; ახლა მიხვდა, რომ ეს დაუბატიყებელი სტუმრები მანამდის არ აპირებდნენ წასვლას, სანამ თავის განზრახვას არ შეასრულებდნენ. როდესაც მეხუთედ მოისმა ზარის ხმა, წინანდელეებზე კიდევ უფრო ძლიერი, მარიანა სასოწარკვეთილებით წამოვარდა ზეზე და უბრძანა კატოს კარის გაღება. ამავე დროს ძლიერ ეშინოდა. რომ ყველაფერი ეს ახლობელ მეზობლებს არ შეემჩნიათ.

ღისახლისის ბრძანება რომ გაიგონა, კატო მაშინვე კარებს მივარდა. ძლივს მოასწრო კარების გაღება და დაუბატიყებელ სტუმრების დანახვა, რომ სიხარულით შეჰყვირა და ნიკლასს კისერზე მოეხვია.

— ნიკლასი, ნიკლასი! ჩემი საყვარელი ძმა! იძახდა ქალიშვილი და მეტის აღელვებისა და სიხარულისაგან თითქმის სულს ვეღარ ითქვამდა.



— შენა ხარ, კატო? შენ აქა ხარ?! გაიკვირვა მხრით ნიკოლასმა, და გადაჰკოცნა თავისი და.

— ოჰ, უფალო, ღმერთო ჩემო!— განაგრძობდა ამასობაში ქალიშვილი და ცრემლად იღვრებოდა: — სწორედ არ მეგონა, რომ ჩვენ ყველა კიდეც ერთად მოვიყრიდით თავს; მხოლოდ ის მაწუხებს, რომ საწყალი მამა ამას ვერ მოესწრო. მეტე რა ბედნიერი იქნებოდა! ოჰ, რა ბედნიერი იქნებოდა, შენ რომ ენახე!

შემდეგ კატო მოუყვა ძმას, თუ როგორ მოვიდნენ აქ ისა და მამა, რომელიც, ერთი წელიწადია, რაც გადაიცვალა; როგორ შეჰხვდნენ ფრიდლის და როგორ აწვალდნენ ამ საცოდავს მას შემდეგ, რაც ფრეიდენბერგი მიწას მიაბარეს.

ამ ამბავმა და ნიკოლასისაგან მოულოდნელმა დის ნახვამ ღრმად შეაშფოთა ორივე ძმა ვერნე და პესტალოცი, რომელნიც დაუყოვნებლივ გაეშურნენ ქალბატონ ფრეიდენბერგისკენ.

— ჩვენ მოვედით, — დაიწყო მხატვარმა ვერნემ, როდესაც სასტუმრო ოთახში შევიდნენ და ზრდილობიანად სალამი მისცეს დიასახლისს: — ჩვენ მოვედით აქ, რომ ჰირადათ გავიცნოთ ის სახელოვანი მხატვარი, რომლის სურათებს დიდი ხანია იცნობს საზოგადოება და ასე ძვირად აფასებს. ჩვენ ვიცით, ქალბატონო, რომ ეს მხატვარი თქვენს სახლში სცხოვრობს და გთხოვთ მისი ნახვის ნება მოგვცეთ.

ვერნეს რომ უსმენდა, მარიანამ კინალამ გონება დაჰკარგა ჯავრითა და შიშით და სრულიად არ იცოდა, რა ექნა, ეჩვენებინა ფრიდლი გარეშეებისათვის, თუ არა. ბოლოს, როდესაც, უთუოდ, მოისაზრა, რომ ამ შემთხვევაში სხვა გზა აღარ იყო, ხელით ანიშნა მახლობელი ოთახი და ჩუმად სთქვა: „შედით, იქაა!“ ჩვენს ნაცნობებს მეტი განმარტებისათვის აღარ მოუცდიათ, მაშინვე მიაშურეს ნაჩვენებ ოთახს. აღმოჩნდა, რომ ეს იგივე ოთახი იყო, სადაც მოხვდა ვერნე იმ ღირსსახსოვარ საღამოს, კატის გახელების დროს. განსხვავება მხო-



ლოდ ის იყო, რომ ახლა აქ სინათლე იყო; ჯოხით ქით შეიარაღებულის ქალბატონ ფრეიდენბერგის ნაცვლად-კი, მწვრიიანსა და დაგლეჯილს სავარძელში ფერმკრთალი და ავადმყოფი ფრიდლი იჯდა, რომელიც ისეთი გამხდარი და დასუსტებული იყო, რომ ძლივს ინძრეოდა; ამავე დროს ხელში კარანდაში ეჭირა, მუხლებზე ქალაღი ედვა და ზედ რაღასაც ჰხატავდა. მის წინ იდგა სამხატვრო დაზგა, რომელზედაც სულ ახალი მოხაზული სურათი იდგა, სურათზე მოსჩანდა მკვდარი კატა და ბავშვი, რომელიც კატას თავს დასტიროდა.

ორივე ძმა ვერნები უნებურად აკანკალდნენ, საწყალი ფრიდლის შესაბრაღისი სახე რომ დაინახეს, რომელზედაც გამოიხატებოდა ღრმა ფიზიკური და ზნეობრივი ტანჯვა. პესტალოცის ხომ პირდაპირ ელდა ეცა, ეს საოცარი სურათი რომ დაინახა. მხოლოდ ნიკლასი, რომელმაც კატოსაგან უკვე იცოდა, თუ რა მდგომარეობაში იყო მისი ძმა, სრულიად არ შეშინდა. მაშინვე მივიდა ტანჯულთან, გადაეხვია და ეუბნებოდა:

— ფრიდლი, ჩემო საყვარელო ფრიდლი! ხომ მიცნობ? მე ხომ შენი ძმა ნიკლასი ვარ!

ამის გაგონებაზე ფრიდლიმ რაღაც საოცრად მიაპყრა ძმას თვალები; ეტყობოდა, იცნო, მაგრამ ერთის სიტყვის თქმაც-კი არ შეეძლო და მხოლოდ წუთიერმა მხიარულებამ გაიელვა მის ნახევრად მკვდარ სახეზე.

ამავე დროს, ფრიდლის სახელი რომ გაიგონა, პესტალოციმ მაშინვე იცნო, რომ ეს უბედური, მაგრამ დიდებული მხატვარი მისი ნამოწათარი იყო, რომელიც რამდენისამე წლის წინად მის სკოლიდან ისე უგზო-უკვლოდ დაიკარგა.

— მე ვერ მიცნობ, ფრიდლი?—ჰკითხა იმანაც და ერთი ნაბიჯი გადადგა წინ.

ამის პასუხად ფრიდლიმ ცოტათი თავი დაიქნია და ერთის წამით სახე კიდევ გაუბრწყინდა.

— ოჰ, ბატონებო, განა შესაძლოა ეს?—სთქვა ვერნემ,

მალაზიის პატრონმა, როდესაც ცოტათი გამოერკვა გაკვირვებული ბისაგან:—შესაძლებელია, რომ ეს საცოდავი კაცი ის დიდებული მხატვარი იყოს, რომლის ნაწარმოებთაც ჩვენ ამდენს ხანს გაკვირვებული ვიყავით?!

— რატომ არა!—მიუგო ღრმად აღშფოთებულმა პესტალოციმ:—ღვთის განგება მიუწოდებელია და არ უნდა გვიკვირდეს, რომ მან ასეთი დიდი ნიჭი მისცა ასეთს სუსტსა და უბედურ კაცს, როგორსაც ამ წამში ჩვენს წინა ვხედავთ.

სანამ ვერნე და პესტალოცი ერთმანეთ შორის ამგვარად ლაპარაკობდნენ, ნიკლასი და კატო დაჩოქილნი იყვნენ მომაკვდავ ძმის წინ და ნელა ხელს უსვამდნენ მის ძვალ-ტყავად ქცეულ თითებს მარიანა ფრეიდენბერგი-კი თავის სასტუმრო ოთახში იჯდა.


პესტალოციმ პირველმა შეამჩნია მისი აქ არ ყოფნა და ერთის მხრით გაუკვირდა ეს.

— იცით, ბატონებო, რა უნდა მოგახსენოთ?—სთქვა მან:—მე ძლიერ გაკვირვებული ვარ, რომ ეს ქალი ჩვენი მოსვლით ასე უკმაყოფილოა! აგრე რისა ეშინიან, თუ თავს რაშიმე დამნაშავედ არა გრძნობს?!“

— აი, საქმე სწორედ ისაა, რომ, უთუოდ, თავს დამნაშავედა გრძნობს,—სთქვა ვერნემ.

ადვილად შეიძლება, — განაგრძობდა პესტალოცი, ამდენის ხნის განმავლობაში ასე ფრთხილად განგებ მალავდა თავის სახლში ამ საკვირველ გენიოსს. გარდა ამისა, ჩემის ფიქრით, აქ უმთავრესი ადგილი უსინიდისობას უნდა ეჭიროს: უთუოდ, ფრიდლის ნიჭით ყოვლად უსინიდისოდ და უნამუსოდ სარგებლობდნენ, უსპობდნენ თავისუფლებასა და ჯანმრთელობას, და დიდი ცოდვა მიუძღვით ამ საცოდავ უპატრონო ქმნილებების წინაშე, რომელიც ახლა სამარის კარის წინა სდგას.

— დიად, მისი დღენი, ეტყობა, უკვე დათვლილია, — სთქვა თავის მხრით ვერნემ:—ჩვენ ძლიერ გვიან მოვედით



აქა. ანუ, უკეთ რომ ვთქვათ—ძლიერ გვიან გავიგეთ ბინა და აღარ შეგვიძლია პირადად რითიმე დავეხმარათ.

— მაგრამ ეს საქმე, ჩემის ფიქრით, ასე უყურადღებოდ არ უნდა დავტოვოთ,— განაგრძობდა მხატვარი ვერნე.

— ეს გენიოსი მხატვარი, როგორც ვიცით, თავის სურათებით დიდ ფულს შოულობდა; მთელ ამ ფულს ფრეიდენბერგები უსინდისოდ ისაკუთრებდნენ და საოცრად გამდიდრდნენ; ამავე დროს კი საცოდავ მხატვარს აუცილებელ საქროებასაც-კი არ უკმაყოფილებდნენ. მაგრამ — ფრიდლის ხომ, როგორც იცით, ჰყავს ძმა და და, რომელთაც არავითარი ქონება არა აქვთ. ჩემის აზრით, სიჭირბოლო მოვიფიქროთ რამ, რომ ხსენებულ და ძმას ერგოს რამ სიმდიდრის ნაწილი მაინც, რომელიც უბედურ მათს ძმას შეუძენია.

— დიად, თქვენ მართალს ბრძანებთ, ვერნე! ეგ უსათუოდ უნდა მოვიფიქროთ!— დაეთანხმა პესტალოცი; შემდეგ სამივემ უკანასკნელად შეხედეს მომაკვდავ ფრიდლის და მოხუც ტომის ღვინის სარდაფში დაბრუნდნენ.

აქ ისინი შეჭვდნენ ბერნის რამდენსამე საპატიო მოქალაქეს და მაშინვე უამბეს ყველაფერი, რაც ფრეიდენბერგის სახლში ენახათ; გადასცეს აგრედვე თავისი სურვილი, რომ სახელოვან მხატვრის შრომით შეძენილ სიმდიდრის ნაწილი მაინც მის და-ძმის სასარგებლოდ გადადებულებო.

ყველა იქ მყოფს ძლიერ შეებრაღა აუტანელის შრომით დატანჯული ფრიდლი, ყველას გული მოსდიოდა ვერაგსა და გაუმაძლარს ფრეიდენბერგებზე, რომელთაც ასე უსინდისოდ სიცოცხლე მოუსპეს იმ კაცს, ვისის შრომითაც გამდიდრდნენ; მაგრამ ამავე დროს ყველა იმ აზრისა იყო, რომ ამ ჟამად კატოსა და ნიკლასის სასარგებლოდ არაფერი არ ვაკეთდებოდა, თუ რომ თვითონ მარიანა ფრეიდენბერგი ნება-ყოფლობათ არ მისცემდა მათ თავის ქონების ნაწილს.

ვერნესა და პესტალოცისაგან რომ გაიგონა ამბავი იმის

შესახებ, რაც მათ ნახეს, მოხუცი ტომი ყველაზე უფრო მეტად აღიშინებოდა. კვირვებულის დარჩა და ახლა ძალაუფლებურად უნდა გამოსთხოვებოდა თავის ძველ რწმენას, ვითომც ფრეიდენბერგს ბოროტი სული ეხმარება სიმდიდრის შექმნაში.

— ახლა საქმე ნათლად სჩანს, — ამბობდა მოხუცი: — რომ ჩვენს ვერაგს ფრეიდენბერგს უთუოდ სადმე უპოვია ეს საცოდავი ყმაწვილი კაცი, როდესაც ჯერ ისევ ბავშვი იყო, სულ კარ-ჩაკეტილი ჰყოლია, ყველასაგან მალავდა, მუშაობით ჰქანცავდა, რომ თვითონ პირდაპირ ნიჩბით ეხვეტა ფული. ჩვენ-კი, სულელები, თავს ვიმტვრევდით და ვერას გზით ვერ მიმხედარვიყავით, საიდან უჩნდებოდა ფრეიდენბერგს ეს ბარაქა; თურმე ხედავთ, საქმე როგორ ყოფილა! — თავის ქნევით დაათავა მოხუცმა.

სანამ მოხუცი ტომის ოვინის სარდაფში ასეთი ლაპარაკი იყო ფრეიდენბერგისა და ფრიდლის შესახებ, საბრალო ტანჯულმა უკვე სული განუტევა. გარდაიცვალა წყნარად, დამშვიდებით იმავე საფარძელზე, რომელზედაც ვერნემა და პესტალოციმ ჰნახეს. საცოდავს ხელში კარანდაში შერჩენოდა. მეორე დღეს მოჰხდა ფრიდლის დასაფლავება, რომელსაც მთელი ბერნის საზოგადოება დაესწრო და მისი უბრალო საფლავი სულ ვარდ-ყვავილებით აივსო. ამას გარდა, ძმათა ვერნემა და პესტალოციმ თავის მოვალეობად სცნეს მიცვალებულის საფლავზე დაედგათ ძველი შემდეგის წარწერით: „აქ განისვენებს გვამი გოტფრიდ მინდისა, რომელიც ცნობილი იყო „კატის მხატვარი“-ს სახელით“.

ჩვენგან აწერილ შემთხვევის შემდეგ ერთი წელი გავიდა და ბოლოს ვერნეს სურვილიც შესრულდა.

ნიკლასმა და კატომ, რომელნიც ციურხში ერთად ცხოვრობდნენ, სრულიად მოულოდნელად დიდი სიმდიდრე მიიღეს მარიანა ფრეიდენბერგის სიკვდილის შემდეგ, რომელმაც




მთელი თავისი ქონება მათ უანდერძა. უნდა შევნიშნავთ, რომ ასეთმა სიმდიდრემ ისინი არ გააფუჭა, როგორც ეს ხშირად ჰხდება ხოლმე. მემკვიდრეობის მიღების შემდეგ, ნიკლასი მუყაითად განაგრძობდა ხატვაში ვარჯიშობას, კატო-კი—მეოჯახეობას. ისინი სიკვდილამდის ერთმანეთს არ მოჰშორებიან და არასოდეს არ იგიწყებენ ღარიბსა და უპატრონო ობლებს; თავისი მწარე ბავშვობა რომ ახსოვდათ, ყოველის ღონისძიებით სცდილობდნენ სხვების გაჭირვებულ მდგომარეობის შემსუბუქებას; ასე რომ—არა ერთი და ორი ბავშვი ლოცვა-კურთხევით იხსენიებდა „ძია“ ნიკლასისა და „დედა“ კატოს სახელს, როგორც მათ საზოგადოდ უწოდებდნენ.

დ. ავალიანი.





† ნინო (ქაჩუფინა) ივანეს ასული ქიქოძე.



ოცა დაუფიქრდები და განსჭვრეტ ცხოვრებას, თვალწინ ისეთი მწარე, ბოლმითა და ვარმით სავსე სურათი წარმოგიდგება, რომ უსათუოდ სასოწარკვეთილებაში ჩა-ვარდები. რა არის მიზეზი, ვინ აავსო ცრემლით ქვეყანა?— ადამიანმა, რასაკვირველია, — ადამიანმა, რომელმაც გაიქრო გულში წმინდა სიყვარულის გრძნობა მოძმეთა მიმართ, გახდა თავის კერძო, შურიანი და თავის ერთგული; და თქვენ გულს ექვი ეპარება ადამიანის ბუნების სიკეთეში. მაგრამ ამავე დროს, თუ უფრო ღრმად და დაკვირვებით განსჭვრეტ რთულ ცხოვრებას, დაინახავთ, რომ აქა-იქ არიან ისეთი ადამიანებიც, რომლების მოსიყვარულე გული მანათობელი კანდელია; ისინი მარილი არიან ცხოვრებისა და არა თუ იხსნიან ადამიანს სასოწარკვეთილებისაგან, კიდევაც იმედით ავსებენ და აღფრთოვანებენ. სწორედ ამნაირი სიყვარულით გაშუქებული კანდელი იყო ირგვლივ გულკვივობის სიბნელით მოცულ ცხოვრებაში განსვენებული ნინო ივანეს ასული, ანუ როგორც გურიაში




და აგრედვე მახლობლები ეძახდნენ— ჟიფო (ჟოზეფინა) ქიქოძე. სწორედ ასეთ ადამიანების მეოხებით არის ცხოვრება მიმზიდველი და სასიამოვნო: იმათ შვაქვთ ცხოვრებაში სიცოცხლის ხალისი. ამიტომ არის, რომ ყველასათვის სამწუხაროა ამისთანა ადამიანის დაკარგვა და სწორედ ამიტომაც დასწყვიტა გული და დააღონა ყველა, ვინც იცნობდა, ამ საუცხოვო, იშვიათის გულის პატრონ ადამიანის სიკვდილმა. განსვენებული არ იყო არც გამოჩენილი მწერალი, არც გამოჩენილი მხატვარი, მაგრამ ვინ არ იცის, რომ ცხოვრება ემყარება და ცხოვრების საძირკველი მუდამ ყოფილა და იქნება წყნარი, მშვიდი, ერთგული, პატიოსანი მუშაკი. ჟოზეფინა-კი სწორედ წყნარი, პატიოსანი, ერთგული მოსიყვარულე მუშაკი — ბუნებით აღმზრდელ-მასწავლებელი იყო. 1882 წ. დაასრულა ქუთაისის გიმნაზია. თუ არ ვსცდები, იმავე წელს დაარსდა ოზურგეთში პირველი სამოქალაქო ქალთა სასწავლებელი და, როგორც უკვე ცნობილი და ჰკვიანი ქალი, მიიწვიეს მასწავლებლად. იმ დროდან სიკვდილამდე, სადაც-კი მოუხდა ცხოვრება, სადაც-კი მიაგდო ცხოვრების ჩარხის ტრიალმა, ყველგან, სკოლაში თუ კერძოდ, განუწყვეტლად ეწეოდა მასწავლებლის მძიმე, მაგრამ წმინდა მოვალეობას და თავის მრავალ მოწაფეთა გულში ანთებდა ამ უკვდავ სიყვარულის ლამაზარს. მოწაფეთათვის ძვირფასი და საყვარელი მასწავლებელი და ამავე დროს მეგობარი იყო. ჯერ კიდევ ჯან-ღონით და ენერგიით სავსე, 50 წლის ადამიანი გამოესალმა 19 ნოემბერს წუთისოფელს, და ერთსა და ორ მოწაფეს-კი არ დაუღვრია მწარე, წრფელი ცრემლები იმის ცხედარზე.

როგორც ვსთქვი, არ იყო გამოჩენილი მწერალი-მეთქი, მაგრამ საკმაოა წაიკითხოთ იმის მცირეოდენი წერილები, რომლებიც დაისტამბა იმ დროინდელ გაზეთებში, როცა იგი მოსწავლეთ იყო, და ის მრავალი კერძო წერილები, რომლებსაც სწერდა თავიანთ მეგობარ-ნათესავთ და მოწაფეებს, რომ დარწმუნდეთ იმის უტყუარ ნიქსა და მწერლობის უნარში.

მაგრამ, გათხოვების შემდეგ, ჟურნალ-გაზეთებში წერაზე ხელს ვერ ვხედავ. უნდა აეღო, მხოლოდ ხანდახან ცხოვრების უსამართლობა აიძულებდა დაეკლო დრო თავის ოჯახურ მოვალეობისათვის და დაეწერა გრძნობით გამსჭვალული კორესპონდენცია და, ლიტერატურის დიდი სიყვარულით გამსჭვალული, იკლებდა ძილს და სთარგმნიდა მოთხრობებს. უმთავრეს თავს მოვალეობად მიაჩნდა შვილების აღზრდა და მართლაც რომ იყო სამაგალითო დედა რვა შვილისა და საუკეთესო მეუღლე-ამხანაგი მასავით მშრომელ, პატოსან მუშაკის—მასწავლებლის გრიგოლ ივანეს ძის ქიქოძისა. მაგრამ ამ მოვალეობამ არ შთანთქა იგი სავსებით; ამავე დროს იმისი გული ყველასათვის ღია იყო. როცა ხელდავდით იმის მშვენიერ გულიდან აღმოცენებულ ღიმილს, ისე კარგად გრძნობდით თავს, რომ თვითონაც გულიანად იღიმებოდით და გრძნობდით, რომ თქვენც კარგი, ჭკვიანი, კეთილი ადამიანი ყოფილხართ, რომ თქვენ გყვარებიანთ ირგვლივ ყველა თავიანთ ღირსება-ნაკლულევანებით და შეგძლებიათ სიკეთის შეტანა ქვეყანაში, რომ ვალდებული ხართ კიდევაც იშრომოთ და იმოღვაწეოთ მოძმეთა საკეთილდღეოდ. როცა მასთან იყავით, მთელი იმისი გული და გულის ყური თქვენკენ იყო მომართული, და რაც საუკეთესო თვისებები გქონდათ, იმას იწვევდა ხოლმე თქვენში. აი რისთვის იყო საყვარელი და ძვირფასი, აი, რისთვის ვტირით იმის განშორებას.

მაგრამ შენი სული, ტკბილი ღიმილი და სიყვარული ჩვენთან არის, საყვარელო მასწავლებელო და მეგობარო ჟიფო, შენი კეთილი სურვილები დათესილია ჩვენს გულში; ვიცი რომ შენ ეს გრწამდა. მაშ, გრწამდეს ისიც, რომ შენი წმინდა ხსოვნა საუკუნო იქნება ყველასათვის, ვისაც უყვარს ნამდვილი სიკეთე ცხოვრებაში. მე კი მადლიერი ვარ ბედისა, რომ ერთ და იმავე დროს მარგუნა შენთან ცხოვრება და შენი მოწაფეობა.


ნინო ნაკაშიძე



მ. ვ. ლომონოსოვი

(1711—1911)

8 ნოემბერს შესრულდა 200 წელიწადი მას აქეთ, რაც დაიბადა რუსეთის გამოჩენილი პოეტი მიხეილ ვასილის ძე ლომონოსოვი. ლომონოსოვი დაიბადა სოფელ დენისოვკას, არხანგელსკის გუბერნიაში, რუსეთის ჩრდილოეთად, თეთრის ზღვის პირას. მამა მეთევზე-გლეხი იყო და შვილი ხშირად დაჰყავდა სათევზაოდ. თევზაობა თეთრ ზღვაში, სადაც მთის ოდენა ყინულები დაცურავს, მეტად სახიფათო საქმეა, მაგრამ მამა და შვილი უშიშრად მისდევდნენ თავის ხელობას. ამ გარემოებამ გაამაგრა და, როგორც ფოლადი, ისე გამოაწრო პატარა ლომონოსოვის ბუნებითაც მტკიცე ხასიათი. ლომონოსოვს თან-და-თან მოემატა გამბედაობა და ადვილად იტანდა ყოველგვარ გაჭირვებას. წერა-კითხვა ლომონოსოვმა დედისაგან ისწავლა. ამ დროს შემთხვევით ჩაუვარდა ხელში სამღვთო სჯულისა და ანგარიშის რამდენიმე წიგნი, აგრედვე მაშინდელი სლავიანური გრამატიკა. როგორც მეტის მეტად ცნობის მოყვარული, ხალისით დაეწაფა ამ წიგნებს, შეიგნო და შეისწავლა კიდევ. მაგრამ ამას არ დასჯერდა: ცნობის მოყვარულობამ და სწავლის ხალისმა იმდენად გაიტაცა ახალ-



გაზდა კაცი, რომ გადასწყვიტა, ყველაფერს ვანა ევალეტე როდუმის
 ნის შეძენასაო და, აი, მართლაც ვხედავთ. 18 წლის ქა-
 ბუკი სტოვებს სახლ-კარს და, დედ-მამის ნება-დაურთველად, მათ
 დაუკითხავად, გასწევს მოსკოვისაკენ. რადა, რისთვის? მხოლოდ
 და მხოლოდ სწავლის გულისათვის. მის სოფლიდგან მოსკო-
 ვამდე დიდი მანძილია, 1.000 ვერსზე მეტი. როგორ უნდა გა-
 იაროს ამოდენა მანძილი ფეხით, მერე ისიც უგროშ-უკაპეიკოდ?
 მაგრამ თითქო განგება სწყალობსო, გზაში დაეწევა მოსკოვში
 მიმავალ ურმებს; დასძენ ამასაც ურმებზედ, საქმელსაც შესთავაზე-
 ბენ და, რავდენისამე დღის სიარულს შემდეგ, ლომონოსოვი უკვე
 მოსკოვში ამოჰყოფს თავს. მოსკოვში იმ დროს ერთი საშუა-
 ლო სასწავლებელი იყო, სადაც იღებდნენ სასულიერო წოდე-
 ბისა და კეთილშობილთა შვილებს, გლეხებისათვის-ს-კი სასწავ-
 ლებლის კარები აქაცა და სხვაგანაც დაკეტილი იყო. რა
 ჰქნას გლეხმა ლომონოსოვმა ამისთანა გარემოებაში? გადას-
 წყვიტა, მოატყუოს და მართლაც მოატყუა სასწავლებლის უფ-
 როსი, მღვდლის შვილი ვარ და არა გლეხისა და ნება მაქვს
 სასწავლებელში შესვლისაო. დაუჯერეს და მიიღეს სასწავლე-
 ბელში. გვერდთ თვრამეტის წლის ახალგაზდას პატარა შე-
 გირდები მოუსვენს. პატარა ამხანაგები დასცინიან და მახარად
 იგდებენ. ამოდენა ვირგლა *) გამხდარხარ და ახლა იწყებ
 სწავლასო. მაგრამ ლომონოსოვი ხომ შეჩვეულია ჭირს, ახლაც
 ადვილად იტანს დამცირებას და სწავლას გაორკეცებულის ძა-
 ლით ეტანება. ლომონოსოვს არა აქვს საღსარი ცხოვრებისა.
 აქ სკოლის მთავრობა ეხმარება და აძლევს ცოტაოდენს დახ-
 მარებას, დღეში 3 კაპიკს. ამ ფულით (თუმცა მაშინდელ
 დროში 3 კ. დღევანდელს 30 სჯობდა) პურიც უნდა იყი-
 დოს, შეიმოსოს კიდევ და წიგნისა და ქალაქისათვისაც გა-
 დაანარჩუნოს რამე. თუმცა ამ გაჭირებაში იყო, მაგრამ ლო-

*) ვირგლა—ვეება, დიდი (ამ სიტყვას ხმარობენ, როცა ვისიმე
 დაცინვა, დამცირება უნდათ).

მონოსოვი მაინც საუკეთესო მოსწავლედ ითვლებოდა და მისი მოსწავლეობის დასრულების შემდეგ სასწავლებელში და მშვენივრადაც დაასრულა კურსი. შემდეგ იქიდან გადაჰყავთ სამეცნიერო აკადემიასთან, ახლად დაარსებულ პეტერბურგის გიმნაზიაში. გიმნაზიის კურსსაც მშვენივრად დაასრულებს და ახლა სახელმწიფო ხარჯით იზავნება საზღვარ გარედ სწავლის განსაგრძობად. საზღვარ გარეთიდგან დაბრუნდა ლომონოსოვი ფრიად განსწავლული და განვითარებული. პეტერბურგის აკადემია დიდის სიამოვნებით იწვევს ჯერ პროფესორის თანამემწედ და შემდეგ პროფესორად. ამ თანამდებობას ასრულებს სიკვდილამდე და იმსახურებს სახელს საუკეთესო მეცნიერისას.

მაგრამ მეცნიერების გარდა ლომონოსოვი შესანიშნავია კიდევ როგორც პოეტი. მისი ლექსები, წოდებული „ოდებად“, ანუ ჩვენებურად რომ ვსთქვათ, „ქებად, ხოტბად“, დღევანდელ დროის პოეზიაში თვალსაჩინო ნაწარმოებად არ ჩაითვლება, სამაგიეროდ მაშინდელ დროს საუკეთესო სალიტერატურო განძი იყო. ლომონოსოვმა შეიტანა ლექსთა წერაში ერთნაირი ცვლილება, სახელდობრ, შემოიღო, რუსული ენა რომ მოიხდენს, ისეთი ლექსთ-წყობა. ლექსებს გარდა აქვს ბევრი სხვა შეცნიერული ნაწერებიც, რომელთა შორის შესანიშნავია ნაწერები შემდეგ თემებზე: „საეკლესიო წიგნების მნიშვნელობა რუსულ ენაში“, „რუსული გრამატიკა“ და სხ.


ამნაირად ლომონოსოვმა მიაღწია უმაღლეს წერტილამდე მაშინდელ დროის განათლებას და, დაჯილდოებული ბუნებრივის ნიჭით, შეიარაღებული ცოდნით, აღსავსე ენერგიით მთელ თავისს სიცოცხლეს ემსახურა სამშობლო ქვეყნის კეთილდღეობას.

როგორც ჰხედავთ, ცივ და მიყრუებულ ქვეყნის უბრალო გლეხის შვილმა, თუმცა არ უწყობდა ხელს გარემოება, არ გააჩნდა არავითარი საშუალება, თუმცა უზომო დაბრკოლება გადაეღობა ცხოვრებაში, ბოლოს მაინც მიაღწია საწა-




დელს და შესანიშნავ ადამიანად გადაიქცა *). ამით მან მოგვცა საუკეთესო მაგალითი და დაგვანახვა, თუ რა შესძლებია შრომის მოყვარეობას, ენერგიას და სწავლისადმი უზომო მისწრაფებას.

6. კიკალიშვილი.



*) უბრალო გლეხის ბიჭმა, მერე ისიც ხან-გადასულმა, იმ დროს, როცა გლეხების შვილებს მთელს რუსეთის იმპერიაში არც ერთს სასწავლებელში არ იღებდნენ, როცა ყველგან მათ სწავლის კარები დახშული ჰქონდათ, თავი გამოიღო, გადალახა ყველა დაბრკოლება, მშობლების დაუხმარებლივ, თავის-თავად, მარტოდ-მარტო სწავლის გზაც აღმოიჩინა და ბოლოს პირველი რუსის მეცნიერი, სწავლული, პოეტი და მოღვაწეც გახდა!



საქართველოს
საბჭოთაო
საზოგადოებრივი
საბჭოთაო
საბჭოთაო

უპაკთულო ტელეგრაფი.

(დასასრული).



უადლისას, 12 დეკემბერს მარკონი იჯდა ფარდულში და ეჭირა ყურთან ტელეფონი, მორთულობასთან შეერთებული. მის წინ იყო მოსაწყობიკ, რომლისკენაც გაყვანილი იყო შენობის ფანჯარაზე მათელი მალლა სივრცეში მფრინავ ფრანიდან. დაბლა ჰღელავდა ზღვა, შემდეგ 3000 ვერსის მანძილზე ინგლისამდე მრისხანე ოკეანეა. გარშემო არავინ იყო; ყველაფერს ჰფარავდა ხშირი, განუჭვრეტელი ბურუსი; — არავის აზრადაც არ მოსდიოდა, რომ ვინმე აკეთებდა რასმე ამისთანა საშინელ დარში. გავიდა ნახევარ საათი სიჩუმეში, ყველანი ყურადღებად იყვნენ გადაქცეულნი და დიდს ლოდინში იყვნენ. უეცრად გაისმა მოსაწყობთან ნაზი კაკუნი მკემელ მილზე. ეს არ იყო ისეთის თრთოლვით მოლოდინებული ნიშანი, რომ უთუოდ, რამ დაემჩნია მილზე. მარკონის სახეზე არავითარი დღევა არ გამოიხატა. მან წარმოასტკვა მხოლოდ:

— ბ-ნო კემპო, ნახეთ, ხომ არა არის რა მიმღებელზე. კემპმა მიაქცია ყურადღება ლენტს, რომელზედაც წუთის




შემდეგ მკაფიოდ აღიბეჭდა მოულოდინებელი ნიშნები წერტილი, ასო s. ათი წუთის შემდეგ გამოჩნდა ახალი ნიშანი; ქარი ჰგლეჯდა ფრანს სათავეში; ნიშანი ამის გამო ვერ მოდიოდა ისე სისწორით, მაგრამ 10 წამის შემდეგ ისევ გამოვლიდა, ექვ გარეშე იყო, რომ ეს ნიშნები მოდიოდა ინგლისიდან.

ამოცანა აიღსნა. მაგრამ მარკონი არა ჩქარობდა ქვეყნისათვის თავისი გამარჯვება ემცნო. მთელი შემდეგი დღე გაატარა ნიშნების მიღებაში. ნიშნები ყოველთვის ვერ იბეჭდებოდა მკაფიოდ, რადგან საშინელი ქარი ჰგლეჯდა ფრანს, მაგრამ ახლა გაჰქრა ექვი, ახლა შეიძლებოდა გამოცხადებულიყო, რომ სიძნელე დაძლეულ იყო.

როცა მეორე დღეს ტელეგრაფმა ყველას შეატყობინა, მარკონიმ შესძლო შეერთება ინგლისისა ამერიკასთან უმაჯობულო ტელეგრაფითაო, ბევრმა ეს ამბავი დიდის სიამოვნებით მიიღო, მაგრამ ამასთან ბევრი ეჭვიანობდა და ბევრი ჰკიცხავდა კიდევ. ზოგნი, მით უმეტეს ამხანაგობანი, რომელთაც ზღვის ძირზე უნდა მოეწყობათ მავთულის გაყვანა ამერიკასა და ევროპას შუა, მარკონის მატყუარას ეძახდნენ, ამბობდნენ, ეგ სულ ტყუილია, გვაფრთხობს, ხელს გვიშლისო. მარტო მდამბიო ფერმერები და მეთევზენი იმ ქალაქისა, საცა მარკონი იმყოფებოდა, გაიგეს რა ესა, დიდის ამბით მიეგებნენ და თავისი თანაგრძნობა გამოუცხადეს.

ის აღელვება; რომელსაც იჩენდნენ მარკონის წინააღმდეგ პატრონები წყლის მავთულის გაყვანისა ატლანტიურ ოკეანეზე, ადვილი ასაღსნელია; ამ მავთულის გაყვანა დაჯდა 8 მილ. მან., ამას უნდა დაერთოს მის მუდმივ შესწორებისა და შენახვის ხარჯიც. ამაზე-კი კარგა ფული იხარჯებოდა, რადგან ამხანაგობას უნდა ჰყოლოდა რამდენიმე გემი. ღირებულება-კი მარკონის ტელეგრაფისა ევროპასა და ამერიკას შუა., სულ ბევრი, აღირიცხებოდა 300,000 მან. და ამასთან თითქმის არ იყო საჭირო არავითარი ხარჯი მის შესანახად. ტელეგრაფის

ღირებულების მიხედვით, დეპეშების ფასმაც დაიწია ინგლისიდან ამერიკაში იღებენ 50 კაპ. სიტყვაში, მარკონი-კი ამტკიცებს, რომ მის მოწყობილობით შეიძლება სიტყვაში 2 კ. და ნაკლების გადახდევინება, ე. ი. მისი მოგონებით შეუძლიან ისარგებლოს ღარიბმა კაცმაც.



უმავთულო ტელეგრაფის სადგური ამერიკასა და ევროპას შუა.

მარკონის ტელეგრაფს ცოტაოდენი ნაკლულევანებაც დაჰყვა თან. ამას თითონაც ამჩნევდა და სხვებიც ეუბნებოდნენ. მარკონიც სცდილობდა, აეცილებინა თავიდან ეს ნაკლულევანებანი. აი, სხვათა შორის, რა ნაკლულევანება დააჩნდა: მარკონის ტელეგრაფით არ შეიძლებოდა საიდუმლოს გადაცემა, რადგან ყველანი, ვინც-კი გააკეთებდა ეთერის ტალღების გზაზე თავიანთ მიმღებლებს, შეიტყობდა გადაცემულ ამბებს.

ამის ასაცილებლად მარკონიმ ჯერ გააკეთა შუქის გარ-



დამცემი მინა (რეფლექტორი), რომელიც დევნდა* ტალღების
ერთ მხარეს. აღმოჩნდა, რომ ეს მოხერხება გამოდგა ნამდვი-
ლი, მაგრამ მცირე მანძილზე. მაგრამ ესეც დიდად სასარგებლო
შეიქმნა გემი განიცდის, ვსთქვათ, უბედურებას, გარშემო
ხშირი ბურუსია, გემის უფროსმა არ იცის, სად არის გემი
ზღვაში. თუ ამ დროს აქვს მარკონის მორთულობა რეფლექ-
ტორით და ახლო-მახლო არის ზღვაში კანდელი ან მხსნელ-
თა სადგური, რომელიც ჰგზავნის ამისთანავე მორთულობით
ნიშნებს ზღვაში, გემის უფროსს, რეფლექტორის ნელ-ნელა
დატრიალებით, შეუძლიან გაიგოს ალაგი, საცა იმყოფება,
და რომელ მხარეს არის ზღვის კანდელი. ცხადია ისიც, რომ
გემის უფროსს შეუძლიან მისცეს მხსნელთა სადგურს ნიშანი
და სთხოვოს დახმარება.

ამას შემდეგ მარკონი შეუდგა „კილოს“ ტელეგრაფის
გაკეთებას. აშკარაა, მაგალითებრ, შემდეგი მოვლენა. თუ გა-
სკიმავეთ რამდენსამე სიმს, რომლებიც იძლევიან ხმას სხვა და
სხვა ნოტებისას და ამ სიმებ შორის იქნება მარტო ერთი,
რომელიც იძლევა ხმას კამერტონისას, მაშინ, როდესაც თქვენ
დაჰკრავთ კამერტონს, დააწყებინებთ წკრიალს, და დასდვამთ
გადაქიმულ სიმებთან, მარტო ერთი მათგანი დაიწყებს წკრი-
ალს, სწორედ, ის, რომელსაც აქვს ერთნაირი ნოტა კამერ-
ტონთან. ხმა გახლავთ ჰაერის რყევა—ჰაერის ტალღები. რი-
ცხვი რყევათა წამში საზღვრავს აღნიშნულ ნოტებს. ტალღე-
ბი, რომლებიც ვრცელდება კამერტონის თრთოლვით, იწვევს
სწორედ ამისთანავე ტალღებს შეფარდებულ სიმზე.

რაკი ეს მოისახრა მარკონიმ და თან ისიც იგულისხმა,
ელექტრონი ვრცელდება მხოლოდ ეთერის ტალღებით, რო-
მელთაც აქვთ მეტი რიცხვი კრთოლვისაო, ვიდრე ხმებსაო, გა-
ნიზარაზა გაეკეთებინა თავისი მოსაწყობი ისე, რომ საიდუმ-
ლოს გადასაცემადაც გამოსადეგი ყოფილიყო. მარკონიმ
მოაწყო ორი მიმდებელი, „მომართული“ ორ კილოზე: ერთს
მათგანს შეეძლო მიღება ტალღისა, ვთქვათ 800,000 კრთოლ-

ვიანისა წუნი, მეორეს — ერთ მილ. ორივე მიმდებლეს ჰქონდათ ერთი მავთული. გადამცემნი მოსაწყობნი იყვნენ მომართულნი ისევ იმ ორ კილოზე. ერთი მათგანი იძლეოდა ტელეგრაფის ფრანგულ, მეორე — ინგლისურ ენებზე; ტელეგრაფებს იძლეოდნენ ერთ დროს, მაშასადამე, სჩანს, ტალღები, შესაძლოა არეულიყო ერთმანეთში. მაგრამ, საკვირველია რომ ორივე მიმდებლები მკაფიოდ აღნიშნავდა ერთ ტელეგრაფის ფრანგულსა და მეორეს ინგლისურ ენაზე.

რადგან ტელეგრაფის „კილოები“ შეიძლება ძლიერ ბევრი იყოს, მათი დაჭერა და გაგება გადაცემულ ამბისა ხდება თითქმის შეუძლებელი, რადგან საჭიროა გამოცნობა ტალღების კრთოლვის რიცხვისა და ამის შეფარდებით მოწყობა მიმდებლისა. მარკონი მაინც ამბობს, ეს სისტემა თხოულობს ბევრ შესწორებასაო, და ირწმუნება, როცა ხალხი გაიგებს, რა უბრალოა ჩემი მოგონება, არ დაჰზოგავს თავის ძალ-ღონეს მის გასაუმჯობესებლადაო.

როცა მარკონიმ წაიკითხა თავისი მოხსენება ლონდონის ელექტრო-ტენიკურ ინსტიტუტში, პროფესორმა ეიერტონმა, რომელიც გაიტაცა მოხსენებამ, ესა სთქვა:

„მოვა დრო და კაცი, რომელსაც მოუხდება ლაპარაკი თავის ამხანაგთან, აიღებს ხელში თავის ელექტრო-მაგნიტს „ხმას“ მიიტანს პირთან და ჰკითხავს: „მეგობარო ჩემო, სადა ხარ?“


„და ამხანაგი მისი, რომელსაც ექნება შეფარდებული კილოს ელექტრო-მაგნიტი „ყური“, უპასუხებს: „მიწის ქვეშა ვარ“, შახტაში; ან ვცურავ ოკეანეში... ავედი გიმალიაზე.“

„მაგრამ იქნება არ მივიდეს პასუხი; არ მივიდეს მეორედ შეკითხვის შემდეგაც. მაშინ ეგ იმის ნიშანი იქნება, რომ მეგობარი მოკვდა!“

მოვა ასეთი დრო თუ არა — რასაკვირველია, არავინ იცის. მაგრამ, ყოველ შემთხვევაში, ახლაც ბევრია იმისთანა, რომელიც გადარჩა გემის უბეჭურობის დროს სიკვდილსა და წყალში დახრჩობას მხოლოდ მარკონის მოგონების წყალობითა და კიდევ ამიტომ ბევრი ლოცულობს იმის მზესა.

დ. ჯანაშვილი.





ტროლის ომი.

ბრძოლა პატროკლოსის ცხედრის გარშემო.



ატროკლოსი მოჰკლესო! დაუყოვნებლად გაგრცელდა ეს საზარელი ამბავი ელინთა რაზმებში. მხედრობის მწუხარებას საზღვარი არა ჰქონდა. ყველანი სასოწარკვეთილებას მიეცნენ. მენელაოსი გაათრებულ ლომივით გაეშურა იმ ადგილისაკენ, საცა ელინთა მთავარსარდალი

სასიკვდილოდ დასჭრეს. მენელაოსს განზრახვა ჰქონდა აქილევსის გულითად მეგობრის ცხედარი მტრისათვის მაინც არ დაენებებინა. ეფეობოსმა, დაინახა თუ არა პატროკლოსის ცხედრისაკენ მიმავალი მენელაოსი, დაუყოვნებლივ დასტოვა ტროადელთა რაზმები და ასეთის სიტყვებით მიჰმართა ელინთა გმირს: „ხალხთა მბრძანებელო, დიდებულო მენელაოს! საჩქაროდ უკან დაბრუნდი! უნდა იცოდე, რომ ნებას არ მოგცემ დიდებული ძეგლი აუგო ამ ხალხის გამანადგურებელს! გირჩევ, ახლავე უკან დაბრუნდე, თუ არ გინდა, რომ სიცოცხლე სამუდამოდ მოგისპო.“

მენელაოსმა პრისხანედ შეჰყვირა: „ღმერთების მამათ-მთავარო ზევსო! განა მოსათმენია ასეთი თავხედობა და ისიც



ქართული
საბჭოთაო
აკადემია

ჩემ წინააღმდეგ! პანტოლის თავხედი ვაჟიშვილი ისე გამაფრთხილებს, რომ მელაპარაკება, თითქო ლომისა ან ვეფხვის ძლიერება ხელთ ჩაეგდოს!“ შემდეგ ელლინთა გმირი მიუბრუნდა ეფფორბოსს და განაგრძო: „აი სწორედ შენი ძმაც გუშინ ეგრე კადნიერად იქცეოდა ჩემს წინააღმდეგ ბრძოლის ველზედ და კიდევ ამიტომ გამოვასალმე სამუდამოდ წუთი სოფელს! იცოდე, რომ შენც ისეთსავე დღეს დაგაყენებ, თუ საჩქაროდ თავს არ უშველი და ბრძოლის ველს არ დასტოვებ.“

„ჩემის ძმის სამაგიერო მე უნდა გადაგიხადო!“ მრისხანედ უბასუბა ეფფორბოსმა: „ქეშმარიტად, დიდ უბედურებად მივიჩნევ, თუ შენს მოკვეთილ თავს და სისხლით შეღებილ იარაღს ჩვენს მხედრობას არ მივართმევ! შენა გგონია, ამ სიტყვებს ტყუილ-უბრალოდ ვხარჯავ. აი, ამ წუთმა, ამ შებრძოლებამ შეამოწმოს ჩემის სიტყვების სინამდვილე!“

სიტყვა ესა ეფფორბოსმა და, რაც ძალი და ღონე ჰქონდა, სტყორცნა ლახვარი მენელაოსს. ბასრმა ლახვარმა ვერა დააკლო-რა ელლინთა გმირს. მენელაოსის სქელმა ჯავშანმა წვერი გადუღეჭა ბასრს ლახვარს და ანაირად უვნებლად გადაარჩა ელლინთა გმირი.

მენელაოსმა ახლა-კი ხელ-ახლად ახსენა ღმერთების მათ-მთავარი ზეესი, შესთხოვა ყოვლად შემძლებელს მტერზედ გამარჯვება და, რაც ძალი და ღონე ჰქონდა, მარჯვედ სტყორცნა ეფფორბოსს ბასრი ლახვარი. მარჯვედ ნატყორცი ლახვარი ტროადელს გმირს ყელში მოჰხვდა და სასიკვდილოდ განგმირა. ეფფორბოსი მოჭრილ ლერწამივით ძირს დაეშვა და ქრილობისაგან შადრევანივით ამოხეთქილმა სისხლმა ერთიანად შეუღება ოქროს ფერი ხუჭუჭი თმა. უსიტყვოდ და უმოძრაოდ ეგდო ბრძოლის ველზედ ის, ვინც ამ რამდენისამე წუთის წინად ასე თავმომწონედ და გაბედვით სიკვდილს ემუქრებოდა ელლინთა ძლიერ-მოსილ გმირს.

ჰექტორი ჯერ კიდევ პატროკლოსის მეეტლეს დასაქერად



უკან მისდევდა, როცა ამბავი მოუვიდა, რომ მენელაოსი ეფვორბოსი სასიკვდილოდ დასჯა. ტროადელების მთავარ-სარდალმა დაუყოვნებლივ თავის განზრახვად ხელი აიღო და ელვის სისწრაფით გაეშურა იმ ადგილისაკენ, საცა მენელაოსი სხვა მეომრებთან ერთად პატროკლოსის ცხედარს გარს ეხვივნენ და აქილევსის იარაღის აყრას სცდილობდნენ. მენელაოსს ჰექტორის დანახვად შიშის ზარმა დაჰკრა; დაუყოვნებლივ პატროკლოსის ცხედარს თავი დაანება და თავის მეომრებით უკან დაიწია. ჰექტორი გაათრებულ ლომივით მიიქრა პატროკლოსის ცხედართან, სწრაფად შემოხსნა მიცვალებულს დიდებულ აქილევსის ბრწყინვალე იარაღი და ტროადელ მეომრის ხელით ილიონში გაჰხანა.

ელლინთა მხედრობას, მენელაოსის მთავარ-სარდალობით, გადაწყვეტილი ჰქონდა პატროკლოსის ცხედარი მტრისათვის ხელში არ ჩაეგდო და ამიტომ თავგამოდებით რაზმებს აგროვებდნენ მტერთან საკვდრო-სასიკოცხლოდ შესაბრძოლებლად. ელლინთა გმირმა, როცა მეომართა შორის შეამჩნია უმფროსი აიანტი, ასეთის სიტყვებით მიჰმართა: „ძვირფასო აიანტ! ჰხედავ ჩვენს უბედურებას? შეუბრალებელმა მტერმა სასიკვდილოდ გაჰგმირა ჩვენი საუკეთესო მთავარ-სარდალი! ესეც აღარ გვაკმარა! ძტერს განზრახვა აქვს პატროკლოსის ცხედარიც ხელიდან გამოგვაცალოს და ტროადელების ძაღლებს მიუგდოს საწიწკნელად! ამაზედ მეტი სირცხვილი შესაძლებელია? რა ამბავი უნდა მიუტანოთ დიდებულს აქილევსს? რა პირით უნდა შევხედოთ უებრო გმირს? სწრაფად შეიარაღდი, ძვირფასო მეგობარო, შეიარაღე მეომრები და დაუყოვნებლივ გავეშუროთ მტრის წინააღმდეგ, ეგებ დიდებულ გმირის ცხედარი მაინც დაუბრუნოთ ძლევა-მოსილ აქილევსს! თუ ე. ასე ვერ მოვახერხებთ, მერწმუნე, ჩვენი აქილევსთან დაბრუნება ყოვლად მოუხერხებელია! მაშ, ვისწრაფოთ მტრის წინააღმდეგ! ნუ დაგავიწყდება, რომ აქილევსის ბრწყინვალე იარაღი მტერმა უკვე ხელთ იგდო და ილიონში გაჰხანა. და




თუ პატროკლოსის ცხედარიც მტერს ხელთ ჩაუვარდა, ძღვევა-მოსილ მხედრობას შემდეგ თავი არსად არ გამოეყოფა!

ელლინთა მხედრობამ აიანტისა და მენელაოსის მთავარ-სარდლობით სამკვედრო-სასიცოცხლოდ გამზადებულ მტრის საწინააღმდეგოდ გაილაშქრა. ასტყდა საშინელი და ცხარე ბრძოლა პატროკლოსის ცხედრის გარშემო. მენელაოსი და აიანტი გაათრებულ ლომებივით მძვინვარებდნენ ბრძოლის ველზედ და მტერს შიშის ზარსა სცემდნენ. ჰექტორი მეტად შეაფიქრიანა ელლინთა მხედრობის თავდავიწყებულმა სიმამაცემ. ტროადელების მთავარ-სარდალი შეუშინდა ელლინთა მხედრობას და უკან დასწია თავისი ლაშქარი.

გლავკოსმა, ტროადელების მოკავშირე სარდალმა, როცა ჰექტორის უკან დაწევა შეპნიშნა, საყვედურით მიჰმართა ტროადელების მთავარ-სარდალს:

„ჰექტორ, თუმცა შეხედულობით ყველაზედ უფრო წარჩინებული ხარ მთელს მხედრობაში, მაგრამ ჯერ კიდევ ბევრი რამ გაკლია, რომ ტროადელების წარჩინებულ და მამაც გმირად ითვლებოდე! განა მამაც გმირს შეჰშვენის მტერს ზურგი უჩვენოს? შენ-კი სიმხდალე გამოიჩინე და იმ ორ მეომარს, რომელნიც პატროკლოსის ცხედრის გარშემო თავდავიწყებით იბრძვიან, ზურგი უჩვენე და ამნაირად გულში გამარჯვების იმედი ჩაუსახე! გმირი რა გმირია, თუ გიჭირებულ მდგომარეობაში გმირობას არ გამოიჩენს! შენ-კი ასეთი გმირობა ვერ მოახერხე და ბრძოლის ველი სამარცხვინოდ ჩვენს მოსისხლე მტერს დაუთმე! ყველა ამას შემდეგ, მე ბრძოლის ველზედ დარჩენა არ შემიძლიან. ყველა ჩემის მეომრით სამშობლოში უნდა დავბრუნდე და მარტოდ-მარტო შენ მოვიხდება სამშობლო ილიონის მტრის მოგერება. ჰეშმარიტად, შენ რომ ისეთი გმირი იყო, როგორიც ძველ დროში ძღვევა-მოსილს ილიონს არა ერთი და ორი ჰყოლია, პატროკლოსის უსულო გვამი ამოდენს ხანს უკვე ილიონის ზღუდეთა შორის იქნებოდა!“



ჰექტორმა მწუხარედ უბასუხა გლავკოს: „ჩემო მეგობარო, მე-კი მეგონა, რომ შენ უფრო შეგნებით უცქე როდი საქმის ვითარებას! მე ჩემს დღეში არ მოველოდი, რომ ასეთს ცილს დამწამებდი. განა ჰექტორი და მტრის წინაშე სიმბდალე წარმოსადგენია? სხვამ რომ შემოიტანოს ჩემზედ ასეთი ეჭვი, კიდეც არას ვიტყვი, მაგრამ როცა ჩემი გულთაღი მეგობარი სიმბდალეს მიკიჟინებს, ეს-კი სამწუხარო და გულსაკლავია! მტრის წინაშე როდის მომიხრია ქედი, რომ დღეს მოვიხარო? მაგრამ, თუ ელინთა რაზმები ჩვენს მხედრობაზედ იმარჯვებს. ეს სულ ღმერთების მამათ-მთავრის ზევსის საქმეა. ცისა და ქვეყნის მფლობელის სურვილია, გამარჯვება ელინთა მხედრობას არგუნოს და მომაკვდავთა შორის განა ვისმე შესწევს ეგოდენი ძალი და მხნეობა, რომ ღმერთების მამათ-მთავრის ესეთს სურვილს წინააღუდგეს! მაგრამ, ჩემო მეგობარო, მე ახლავე ჩვენს მოსისხლე მტერს შევებძოლები და შენვე თითონ შეამოწმე, თუ რამდენად მხდალი ვყოფილვარ!“

ამ სიტყვებს შემდეგ, ჰექტორმა ელვის სისწრაფით დაუბინა ტრადელების ყველა რაზმს, თვითოეული მეომარი გაამხნევა სამკვდრო-სასიცოცხლო ბრძოლისათვის, თვითოეულს მათგანს გულში ჩაუნერგა სრული იმედი პატროკლოსის ცხედრის ბრძოლის ველიდან გატაცებისა.

მენელაოსიც თავის მხრით ელინთა მხედრობის რაზმთა შორის მიმოჰქრიდა და მეომრებს მტრის საწინააღმდეგოდ აქეზებდა. კვლავ ასტყდა საშინელი ბრძოლა პატროკლოსის ცხედრის გარშემო. მეომრები თავდავიწყებით ერთმანეთს ეხლებოდნენ და მათი სამხედრო კიჟინი მაღალს ცის ტატნობს სწვდებოდა. დედამიწა სისხლით მორიალდა და დაქრილსა და მოკლულ მეომრებს წალეკას უქადოდა.

სალამოს ბინდმაც მოატანა. მაინც თვითოეულ მოწინააღმდეგე მხარეს იერიში-იერიშზედ მიჰქონდა, მაგრამ ჯერ კიდევ ძნელი გამოსაცნობი იყო, ვინ ვისზედ გაიმარჯვებდა, ვინ

დაეპატრონებოდა პატროკლოსის გაცივებულს გვამს. თან მხედრობის მდგომარეობა თან და-თან უფრო საშიში ხდებოდა. ძღვევა-მოსილი აიანტი ღრმად დარწმუნდა, რომ მტრის ძღვევა შეუძლებელი იყო და ამიტომ ასეთის სიტყვით მიჰპართა მენელაოსს: „დაუყოვნებლივ მოსძებნე ანტილოხოსი, გაჰზავნე ძღვევა-მოსილ აქილევსთან და შეატყობინე მის გულითად მეგობრის პატროკლოსის სასიკვდილოდ დაჭრა. შეიძლება ამ სამწუხარო ამბავმა აიძულოს ძღვევა-მოსილი გმირი ჩვენის მოსისხლე მტრის წინააღმდეგ საბრძოლველად!“

ლომევით გაათრებულმა მენელაოსმა თვალი მოჰკრა შორეულ რაზმებში თავდავიწყებით მეომარს მოხუც ნესტორის ვაჟიშვილს და ასეთის სიტყვებით მიჰპართა: „ანტილოხოს, ჩემო ძვირფასო მეგობარო! დაუყოვნებლივ დასტოვე ბრძოლის ველი და ძღვევა-მოსილ აქილევსს შეატყობინე სამწუხარო ამბავი. უთხარ ელლადის დიდებულს გმირთა გმირს, რომ მტრის შეუბრალებელმა ლახვარმა სასიკვდილოდ განგმირა ჩვენის მხედრობის დამამშვენებელი საუკეთესო მამაცი გმირი პატროკლოსი! სთხოვე, დიდებულს გმირს, დაუყოვნებლივ მოგვეშველოს ბრძოლის ველზედ, თორემ ჩვენი მოსისხლე მტერი მოკლულის ცხედარს წარიტაცებს და ტროადის გაუმძღარ ძაღლებს გადუგდებს საწიწქნელად!“

პატროკლოსის მოულოდნელმა სასიკვდილოდ დაჭრამ ანტილოხოსს თავზარი დასცა. საბრალოს თვალთაგან ცრემლების გუბე გადმოჰქდა. პილოსელ ტკბილ ხმოვან მოხუცის ვაჟიშვილი, ცოტათი გამოერკვა თუ არა, დაუყოვნებლივ ფეხაკრეფით აქილევსის ხომალდისაკენ გაეშურა სამწუხარო ამბის შესატყობინებლად. ძღვევა-მოსილი მენელაოსი-კი ელვის სისწრაფით ისევ ბრძოლის ველს დაუბრუნდა იმ აზრით, რომ, სანამ გმირთა-გმირი აქილევსი ელლინთა მხედრობას შემწეობას აღმოუჩენდა, მტერს მედგრად გამკლავებოდა და ძვირფას სარდლის ცხედარი ტროადელების მხედრობას არ გაეტაცნა.

ა. მიქაბერიძე.



აპროსტიხი



(წარმოდ. ჯადო ბებოპარსაგან)

ი, ვაჟკაცი, მამაცი,
ხელობით დიდი მგოსანი;
კაცობით ერში განთქმული,
მხცოვანი პატიოსანი.

არ შეედრება სხვა ვინმე,
გვამშვენებს ვითა სოსანი,
კარგს აზრს ჰქადაგებს პირად მზე
და თვალად— ტანადოსანი.
იშვიათია დღეს მისებრ
მეჩანგე ქალაროსანი.

გ ა მ ო ც ა ნ ა.

(ჩაწერილი ანხა კახანაძის მიერ).

ერთი რამე ვნახე,
უცნაური სახე,
სულ დავიარე;
კვალი ვერსად ვნახე.






მ გ უ ს ი



3

ძ
ვ



ც



რ
ლ

კავშირი



ც თ

მ მ



ფ
ა
ლ

